

# *NY HERIN'ANDRIAMANITRA*

## *MANOVA*

 [Atolotr'i Rahalahy Carl Williams Rahalahy Branham—Mpand.] Misaotra anao, rahalahy. ["Azo antoka fa tombontsoa iray marina tokoa ny manana an-dRahalahy Branham tonga matetika eto Phoenix. Heveriko fa eto Phoenix no ahatongavany betsaka noho ny aiza na aiza. Ary tiantsika izy hanohy ho avy, raha mbola eto amin'ny manodidina eto foana mihitsy aho, na inona na inona. Andriamanitra hitahy anao, Rahalahy Branham."] Misaotra, misaotra anao, Rahalahy Williams.

Manao ahoana, ry sakaiza. Izaho dia... Ity fianakaviana Shakarian ity, Rahalahy Williams sy Ranabavy Williams ary maro amin'izy ireo eto no mahafantatra an'izany. Hitako tao amin'ny fahitana iray izany, teo amin'ny roa na telo taona talohan'ny nampaharary azy, ary nitranga izany.

<sup>2</sup> Ary tamin'ny herintaona rehefa teto izahay, mino aho fa tamin'ny Janoary ilay izy, tao amin'ilay favoriana, izany dia tamin'ny fotoana izay io pretra io (iza moa no anarany? Adinoko ny anarany ankehitriny) no teto. [Hoy ny olona iray hoe, "Stanley."—Mpand.] Stanley, Eveka Stanley, avy amin'ny fiangonana Katolika. Tsaroanareo rehefa nitondra tamiko ny Baiboly izy, fantatrareo, ka nilaza tamiko.

Nisy faminaniana maro ilay izy hoe, "Ry zanakovavy, sitrana ianao."

<sup>3</sup> Nefa fantany fa nilaza ilay fahitana fa tsy ho salama izy. "Ho faty teo anelanelan'ny amin'ny roa sy amin'ny telo ora maraina izy." Tsaroanareo ve izany? [Hoy ny olona iray hoe, "Eny."—Mpand.] Noho izany, tamin'ny roa na tamin'ny telo ora.

<sup>4</sup> Ary tsy afaka niteny tamin'i Demos aho. Kanefa efa niteny tamin'ny renikeliny aho, tao amin'ilay efitra mihitsy, teo am-pitan'ilay toerana teto mihitsy. Hoy aho hoe, "Tsy ho salama izy."

Hoy Rtoa. Shakarian hoe, "Eny, ny olona rehetra dia maminany."

<sup>5</sup> Hoy aho hoe, "Mazava ho azy, mety ho diso aho, ny tenako, saingy efa nolazaiko ilay izy. Tsy ho salama izy."

<sup>6</sup> Niteny tamin'ny maro tamin'izy ireo aho, teo amin'ny telo taona lasa izay hoe, "Nahita azy nihazakazaka nandrity ny fiaianany aho, ary nandeha nankeo amin'ny fandriana iray izy. Ary nanangana ny tànany izy ka niantsoantso ahy, tahaka

an'izany. Ary izaho—tsy afaka nahatratra azy akory aza aho. Ary avy eo dia nahita azy maty aho. Dia nijery aho, ka nisy zavatra iray, nisy famantaranandro iray, ary izany dia nilaza fa ilay izy dia teo anelanelan'ny tamin'ny roa sy tamin'ny telo ora.”

<sup>7</sup> Ary noho izany dia hoy ilay eveka hoe, “Eny, handinika fotsiny aho ka hahita hoe ahoana no isehoan’izany.” Noho izany, dia niseho ilay izy.

<sup>8</sup> Malahelo tokoa izahay. Tsapako fa very olona malaza iray ny fiangonana, an-dRanabavy Florence Shakarian. Fa, mpihira malaza izy, vehivavy iray feno ny Fanahy.

<sup>9</sup> Niaraka tamin’ny reniny aho; ny reniny no iray amin’ireo fifandraisana voalohany nananako tany amin’ny Morontsiraka Andrefana, rehefa sitrana ny reniny. Rehefa ireo dokotera . . . Tao anatin’ny tsi-fahatsiarovan-tena izy, ary nibontsina tanteraka. Ary noho izany ilay—niteny tamiko ilay dokotera izay teo, nanao hoe, “Ankehitriny aoka ho tena moramora rehefa mivavaka ianao. Aza manao tabataba betsaka. Eo am-pahafatesana ilay ramatoa.”

Hoy aho hoe, “Eny, tompoke.”

<sup>10</sup> Ary nilaza izy, avy eo, nanohy niteny tamiko fotsiny. Ary, eny, tsy nanana anjara iray nanokatra ny vavako akory aza aho, tahaka an’izany.

<sup>11</sup> Noho izany, dia Rahalahy Demos no niteny tamiko handroso sy hanarona ary hijery azy.

<sup>12</sup> Noho izany, dia nandeha niakatra aho. Ary nandohalika teo amin’ny gorodona i Florence, zazavavy kely iray tsara tarehy tamin’izany, ary vehivavy vitsivitsy amboniny. Ary nandeha teo aho ka nivavaka ho azy, ary niteny an'ilay izy. Ary tsy nahatsiaro tena izy. Ary niteny taminy fa hitsangana indray izy. Ary nitsangana izy. Taona vitsy taty aoriane, dia maty izy. Ary ankehitriny dia mamaly ny fivavahantsika Andriamanitra.

<sup>13</sup> Ary fantatsika izany, mino isika fa tonga eto isika rehetra nohon’ny sitrapon’Andriamanitra, ary miala amin’ilay fomba iray ihany isika. Tsirairay, no hiampitantsika tsirairay avy an’io vavahady io. Ary izany no maha-eto antsika izao maraina izao, miangona miarakaka ao amin’ity Christian Business Men’s Fellowship ity, dia ny hiresaka ny amin’ireo zavatra ireo, ary miomana ho azy ireo, satria fantatsika fa azo antoka fa ho tonga izy ireo.

<sup>14</sup> Ankehitriny Ranabavy Florence dia vehivavy tanora iray, roa amby efapolo taona, vao avy niteny tamiko Rahalahy Williams, ary tena tanora. Fa talohan’izy ireo, fantany fa efa nanana an’io aretina io izy, nahoana, nahita fahitana iray ny aminy aho ary niteny taminy ny fahalasanany. Noho izany, dia ho izany ilay izy. Andriamanitra no mahafantatra ny rehetra mikasika an’izany, ary nahita an’i Jesosy tao amin’ilay efitra

izy talohan'ny nahalasanany. Tsy mila mivavaka ho azy mihitsy isika, satria efa nanao betsaka an'izany isika. Te-hisaoatra an'Andriamanitra fotsiny isika nohon'ny aina iray izay teo anivontsika, izay nanindrimandry antsika rehetra, tahaka andRanabavy Shakarian.

<sup>15</sup> Ary tiantsika ny hivavaka ho an-dRahalahy Demos, Ranabavy Rose. Ary tsarovy, efa nahazo fandonana tena mafy iray izy ireo teo amin'ny fiaianany, tamin'ny faran'ny... ny rainy izany, ary ny anabaviny ankehitriny tao amin'ny...ireo taona farany. [Miresaka amin-dRahalahy Branham ny olona iray—Mpand.] Fa, ary, hia, latsaky ny, latsaka, folo volana; ary ranabavy, Ranabavy Edna, ihany koa.

<sup>16</sup> Noho izany, dia fantattro hoe ahoana no iaraha-miory amin-dRahalahy Demos. Efa nanana ray iray aho, rahalahy, vady, ary zazakely, lasa tao anatin'ny andro vitsy nifanelanelana, noho izany aho—fantattro hoe ahoana no tsapany izao maraina izao. Fantatrareo fotsiny ihany rehefa mitsangana ao anatin'ireo kiraro ireo ianareo, amin'izay fotoana izay no fantatrareo hoe ahoana no iaraha-miory. Ary...

<sup>17</sup> [Midridrodridro ny fitaovalam-panamafisam-peo—Mpand.] Izaho ihany no nanao an'izany. Miala tsiny aho. Nahakasika zavatra kely aho teto tany ho any, tamin'ny tànako. Noho izany aho dia—miala tsiny aho fa nanao an'ilay izy ho mafy loatra, ary tsy fanahy iniako.

<sup>18</sup> Noho izany dia ndao isika hitsangana ankehitriny raha mbola isika...raha afaka ianareo, raha izany no...Ndao isika hanondrika ny lohantsika.

<sup>19</sup> Ray any An-danitra, mivory eto izahay izao maraina izao mba hanompo Anao, sy hanome Anao ny saotra sy ny dera, nohon'ny nandefasana an'i Jesosy Mpanavotra anay, mba hanananay fanantenana iray rehefa mifarana ity fiaianana ity, hita fa tena tsy azo antoka fa miaina eto foana izahay. Ary, Ray, ny mahita an'ireo toerana ratsy izay mety hilatsahan'ireto vatana ireto, dia faly izahay fa tsy voatery hijanona eto foana izahay. Ianao no efa nanao lèlana iray handosirana, manerana an'ilay lohasahan'ny fahafatesana.

<sup>20</sup> Ary, Ray, mankasitraka Anao izahay izao maraina izao, nohon'ny fiainan'ny anankiray izay nitsangana niaraka taminay, latsaky ny herintaona lasa izay, nihira an'ireo fiderana Anao; Ranabavy Florence Shakarian, araka ny nahafantaranay azy. Ary Ianao no efa niteny taminay taloha ela be, an-taonany mihitsy aza, fa hitranga io, mba tsy ho fahatairana be loatra ho anay izany. Ary fantatray fa izay Lazainao dia marina. Ary avy eo dia milaza Ny Teninao hoe, "Ny olona natera-behivavy, dia vitsy andro sy feno fahorianana." Fantatray fa izany dia marina, ihany koa, Tompo. Fantatray fa izahay rehetra dia tsy maintsy mandalo an'io lohasaha io. Noho izany dia misaotra Anao izahay

nohon'ny fiainany izay teto an-tany teto. Ary mino amin'ny finoana, fa ankehitriny, izao maraina izao, dia efa tafafindra avy amin'ity tranon'ny pesta mahatsiravina ity izy, nankao amin'ny vatana iray be voninahitra izay tsy mety harary intsony. Ary ny talentan'ny fihirany, sy ilay feo izay nananany, ary ny fanahiny tena manan-karena ao amin'ny fahasoavana miaraka amin'i Kristy! Ka raha afaka miverina izy izao maraina izao, dia tsy hanao an'izany velively izy; tsy handalo an'io rehetra io indray izy. Fa, tapitra izany ankehitriny, miaraka amin'ny reniny sy ny dadany izy. Niantso ny zazakeliny hody izy ireo. Noho izany, izahay—misaotra Anao izahay.

<sup>21</sup> Te-hisaotra koa izahay nohon'ny fiononana, ho an'ny Rahalahinay Shakarian, ny rahalahy tena malalanay, mahafantatra ny—ny fiainana izay niainany, sy ireo fahoriania izay andalovany ao amin'ireto andro farany ireto, ary hoe ahoana izy; mahita azy miha-antitra, ary ny volony miha-mihintsana, ary ny sorony miha-milatsaka, kanefa miezaka ny mijanona eo amin'ny saha ho an'Andriamanitra. Andriamanitra, omeo hery izy androany. Mivavaka izahay, Andriamanitra, mba Hanekenoa an'izany. Ho an'ireo rehetra izay misaona nohon'ny fahalasanany, dia mivavaka ho an'ny tsirairay avy izahay.

<sup>22</sup> Ary avelao izahay, Tompo, raha mieritreritra an'izany, hahatsiaro fa tsy maintsy handeha ihany koa izahay indray andro any. Raha mbola miara-mipetraka eto izahay ao amin'ny Fanatrehan'ny Tompo Jesosy, dia hangataka izahay mba Hitondranao an'izany indray ao amin'ny fahatsiarovanay. Ary aoka handini-tena izahay, tahaka ny hatramin'izay, na hanao jery todika ny amin'ny fiainanay manokana, mba hahatonga anay ho eo ambanin'ny Rà sy ao amin'ny Finoana. Ekeo izany, Tompo.

<sup>23</sup> Ankehiriny raha miezaka aho eo ambanin'ireo fisehoanjavatra ireo ny hitondra hafatra kely iray ho an'ny olona, androany, dia mivavaka aho mba Hanampianao ahy, Tompo. Atanjaho aho, satria izaho—izaho—mila an'izany aho, Tompo. Ary mivavaka aho mba Hanekenoa an'izany. Ary enga anie hisy zavatra voalaza izay hanaja Anao fotsiny. Ary raha misy anankiray eo ambanin'ny fanenon'ny feonay izao maraina izao, izay tsy vonona ny hiatrika an'ilay ora izay mipetraka eo alohan'izy ireo, dia enga anie ho ity no fotoana izay hanoloran'izy ireo tena ho Azy Izay nanao hoe, "Izaho no Lâlana, ny Fiainana, ny Fahamarinana," dia Jesosy Kristy Tomponay. Fa mangataka an'izany amin'Ny Anarany izahay. Amena. (Afaka mipetraka ianareo.)

<sup>24</sup> [Miresaka amin-dRahalahy Branham ny olona iray eo amin'ny lampihazo—Mpand.] Ilay rahalahy eto dia te-hahafantatra raha afaka mandre tsara ny olona rehetra. Manana fanamafisam-peo roa mandeha izy. Mety tsara ve izany? Afaka mandre ve ianareo? Atsango ny tânanagero raha afaka mandre

ianareo. Afaka mandre ve ianareo? Atsangano ny tanganareo. Eny àry.

<sup>25</sup> Miala tsiny aho fa tsy manana efitra ipetrahana ho an'ny olona rehetra izahay izao maraina izao. Ary matoky izahay fa tsy hijanona ela loatra eto ambony eto aho, mety ampy fotsiny angamba hitondrana amintsika famakiana iray an'ny Teny; ka ny Tompo Andriamanitra no hitahy Ny Teniny izay vakiana, sy hanome antsika ny Fahasoavany, mba ahafahantsika manompo Azy amin'ny alàlan'izany.

<sup>26</sup> Ankehitriny dia nilazan'i Billy Paul aho, aninkeo maraina, fa mety hiresaka ao amin'ny Grantway Assembly of God izahay amin'ny Alahady heriny, any Tucson. Raha misy olona iray eto avy any Tucson, dia mety tsy hahita anareo aho amin'ity herinandro ity. Ho any Grantway Assembly of God aho, amin'ny Alahady heriny.

<sup>27</sup> Noho izany ankehitriny dia vao avy niverina avy tany Atsinanana izahay, ary somary tsy mety kely ny tenako, nohon'ny fihinanana be loatra, niaraka tamin'ny fahatsarampanahy be loatra an'ny olona tany amin'ireo tendrombohitra. Ary—ary lasa marary aho, noho izany dia tsy nahatsapa ho tsara aho tamin'ity herinandro ity. Noho izany, dia mivavaha ho ahy. Ary...

<sup>28</sup> [Hoy ny olona iray hoe, “Opossum be loatra.”—Mpand.] Ahoana hoe? [“Opossum be loatra.”] Rahalahy Carl Williams miaraka amin'ny toetra fampihomehezany, ary heveriko fa mila an’izany isika izao ankehitriny izao, hoy izy hoe, “Opossum be loatra.” Tsy fantatro ny mikasika an’izany, Rahalahy Carl, saingy vontsira betsaka. [Mihomehy Rahalahy Branham.]

<sup>29</sup> Noho izany raha te-hivavaka ho an'ny olona iray ianareo izao maraina izao, nahoana, izaho—ankasitrahako tokoa raha hisy sasany amin'ny vavakareo ho ahy, satria aho—mila an’izany aho.

Ankehitriny dia te-handeha haingana ao amin'ny Teny isika.

<sup>30</sup> Ary tsy te-hihazona anareo ela loatra eto aho, satria mino aho fa misy fifandraisana amin'ny telefona manerana ny firenena, eo amin'ity izao maraina izao, mandeha manomboka any amin'ny Morontsiraka Andrefana hatrany amin'ny Morontsika Atsinanana, manomboka any Avaratra sy Atsimo. Maro, maro ireo fiangonana no manana an’izany fitaovana izany tahaka ny anananareo rehetra eto avy amin'ny tabernakla. Mifandray koa izany any Phoenix, mba hisian'ny fivoriana hatraiza hatraiza, izany dia mandeha hatrany amin'ny... Ary miangona ao am-piangonana sy ao an-trano izy ireo, sy ireo zavatra tahaka an’izany, amin'ny alàlan'ny onjam-peo tena tsara iray. Milaza izy ireo fa tsara kokoa noho ny fampielezam-peo iray aza izany. Fifandraisana amin'ny telefona izany, mametraka mpandray feo iray izy ireo na fanamafisam-peo, na inona ilay izy, ao amin'ny efitra. Ary izy ireo...

Nilaza ny vadiko, avy tany Indiana tamin'ny herinandro lasa, nankany Tucson, fa ilay izy dia nitovy fotsiny toy ny hoe nitsangana mihitsy tao amin'ny efitra. Noho izany dia mivavaka isika mba hitahian'Andriamanitra an'ireo rehetra eo amin'ny fifandraisana izao maraina izao, na aiza na aiza misy azy ireo. Any New York ankehitriny dia ho amin'ny, oh, ny tolakandro, ary ora samihafa no itetezany ny firenena.

<sup>31</sup> Ankehitriny ao amin'ny Bokin'ny Romana, ny toko faha-12, ary ny andininny faha-1 sy faha-2, maniry isika—maniry ny hamaky an'izany Soratra izany.

*Koa amin'izany dia mangataka aminareo aho, ry rahalahy, nohon'ny famindrampon'Andriamanitra, mba hatolotrareo ny tenanareo ho fanatitra velona, masina, ary sitrak'Andriamanitra, dia fanompoana mety aminareo izany.*

*Ary aza manahaka an'ity izao tontolo izao ity: fa miovà amin'ny fanavaozana ny sainareo, mba hamantaranareo an'izay tsara, sy tanteraka...tsara, ankasitrahana, ary tanteraka, ny sitrapon'Andriamanitra.*

<sup>32</sup> Ankehitriny, raha sitraky ny Tompo, dia tiako ny haka ny lohaheviro ho an'izao maraina izao, eo amin'ny: *Ny Herin'Andriamanitra Manova.*

*Mba tsy hahatonga anareo hanahaka an'ity izao tontolo izao ity: fa aoka...miovà amin'ny fanavaozana ny sainareo, ankehitriny, ary hamantaranareo an'izay tsara, tanteraka, sy ankasitrahana, ny sitrapon'Andriamanitra.*

<sup>33</sup> Izany dia lahateny trrainainy mahazatra iray izay efa nampiasain'ny maro amin'ireo pasiteranareo nandrity ny andronareo. Efa nampiasaina hatramin'ny nanoratana Azy izany. Kanefa, zavatra iray mikasika ny Tenin'Andriamanitra, Izany dia tsy miha-antitra mihitsy, satria Andriamanitra Izany. Tsy miha-antitra mihitsy Izany. Nandrity ny taranaka tsirairay ankehitriny, efa saiky manakaiky, eo amin'ny valonjato sy roa arivo taona, na mihoatra, no efa namakian'ny olona an'ity Tenin'Andriamanitra ity, ireo mpisorona, sy ny sisa, fa tsy miha-antitra mihitsy Izy. Izaho dia efa namaky Azy, ny tenako, nandrity ny dimy amby telopolo taona teo. Ary isaky ny mamaky Azy aho, dia mahita zavatra vaovao izay tsy mbola hitako tamin'ny voalohany. Satria, voatsindrimandry Izy, Izy no Andriamanitra ao amin'ny endrika soratra. Hitanareo, Izy no toetran'Andriamanitra voateny, ary napetraka eo ambonin'ny taratasy.

<sup>34</sup> Matetika, dia hoy ny olona hoe, “Eny, ankehitriny, olona no nanoratra an'ity Baiboly ity.” Tsia. Ny Baiboly dia milaza, Izy tenany, fa Andriamanitra no nanoratra ny Baiboly. Izany no Tenin'Andriamanitra.

<sup>35</sup> Ary tsy mety diso mihitsy Izy. Hoy Jesosy hoe, “Ny lanitra sy ny tany ho diso, levona, fa Ny Teniko tsy ho diso mihitsy.” Ary tsy mety diso Izy, ary satria Andriamanitra, satria Ampahany Izy.

<sup>36</sup> Ary noho izany ianareo satria Zanakalahiny sy zanakavaviny, dia ampaahan’Izany ianareo, ary izany no manao anareo ho Ampahany. Koa izany no antony ahatongavantsika hiombona miaraka manodidina ny Tenin’Andriamanitra.

<sup>37</sup> Ankehitriny ity teny hoe *novaina* ity, njery tao amin’ny diksionera aho, omaly. Fa, saika adinoko ny nanara-maso ny ora izay tokony haha-eto ahy, rehefa nitady lahateny iray aho, ary nahita an’ity teny ity, na ity lahateny ity, raha ny marina, Soratra. Ary ao amin’ny diksionera dia voalaza fa izany dia “zavatra iray izay niova.” Izany dia tsy maintsy “niova.” *Novaina*, “natao hafa noho izay naha-izy azy.” Efa nisy ilay izy, “Ny toetrary sy ny sisa dia efa novaina tao anatiny,” *manova*.

<sup>38</sup> Ary nieritreritra aho aninkeo maraina, tao amin’ny Genesisy 1. Tsy nisy endrika ity tany ity, ary foana izy, ka ny aizina no teo ambonin’ny tany; tsy nisy afa-tsy fahapotehana manontolo. Ary rehefa tao amin’io toerana io ity tany ity, dia nanomba teo ambonin’ny tavan’ny rano ny Fanahin’Andriamanitra, ka niova ilay sary manontolo; avy tamin’ny fahapotehana tanteraka, nankany amin’ny sahan’i Edena iray. Izany no Herin’Andriamanitra manova, izay afaka maka zavatra iray izay tsinontsinona ka manao zavatra iray tsara tarehy avy amin’izany. Ny Herin’Andriamanitra manova!

<sup>39</sup> Ary azontsika fa, tamin’ny famakiana an’ireo Soratra, fa Andriamanitra dia nanana enina—enina arivo taona nanaovana an’io fanomanana io ho an’io Edena io. Ankehitriny, mety tsy nanana an’izany fahelàna izany Izy; fa manombatombana fotsiny, ary maka azy avy amin’ny Soratra izay Nilazany hoe “indray andro amin’Andriamanitra, dia arivo taona eto an-tany,” izany hoe, raha tsy maintsy nanisa fotoana Andriamanitra. Ary atao hoe enina arivo taona no Nananany tamin’ny fanamboarana ny tany, sy Namboleny ny voa tsara rehetra teto ambonin’ny tany. Ny zavatra rehetra izay nisy dia tanteraka fotsiny.

<sup>40</sup> Mieritreritra aho, matetika, rehefa manomboka mamaky ny Bokin’ny Genesisy mihitsy aza ireo mpitsikera, dia manomboka mitsikera an’Izany izy ireo, satria toy ny hoe mamerina ny Tenany tsy ankitsahatra Izy, na manipy anareeo eto sy etsy.

<sup>41</sup> Fa raha hanamarika vetivety fotsiny isika, alohan’ny hidirantsika ao amin’ny lahatenintsika, fa, Mosesy dia nahita an’ilay fahitana. Ary niresaka taminy Andriamanitra. Niresaka nifanatrika tamin’i Mosesy Andriamanitra, molotra mankeo amin’ny sofina. Ankehitriny, tsy mbola niresaka tamin’ny olon-kafa tahaka an’izany mihitsy Izy, tahaka ny Nataony tamin’i Mosesy. Ankehitriny, Mosesy dia lehibe iray, iray amin’ireo mpaminany lehibe indrindra rehetra. Tandindona iray an’i

Kristy izy. Ary ankehitriny dia afaka miteny Andriamanitra, manana feo iray Izy. Efa re izany. Afaka miteny Andriamanitra.

<sup>42</sup> Ary afaka manoratra Andriamanitra. Nanoratra ny Didymolo tamin'ny Rantsan-tànanay Manokana Andriamanitra. Izy dia nanoratra teo amin'ny rindrin'i—i Babylona indray mandeha, tamin'ny Rantsan-tànanay. Niondrika Izy ka nanoratra teo amin'ny fasika indray mandeha, tamin'ny Rantsan-tànanay. Afaka miteny Andriamanitra. Afaka mamaky Andriamanitra. Afaka manoratra Andriamanitra.

<sup>43</sup> Andriamanitra no Loharanon'ny fahasoavana sy ny Hery rehetra, ary ny fahendrena Masina rehetra, dia tao amin'Andriamanitra. Koa noho izany, eo am-pahafantarana an'izany, dia Izy no Mpamorona tokana izay misy. Tsy misy mpamorona hafa afa-tsya Andriamanitra. Satana dia tsy afaka mamorona, mihitsy, mamadika an'izaynoforonina fotsiny izy. Fa Andriamanitra no Mpamorona tokana.

<sup>44</sup> Noho izany, Izy no namorona tamin'ny alàlan'Ny Teniny. Nandefa Ny Teniny Izy. Noho izany ireo voa rehetra izay Napetrany teto ambonin'ny tany, dia Izy no nanao an'ireo voa ireo tamin'ny alàlan'Ny Teniny Manokana, satria tsy nisy na inona na inona hafa hanaovana an'ilay voa. Izy no nametraka azy ireo, ary tao ambanin'ny rano izy ireo. Hoy fotsiny Izy hoe, "Aoka hisy *ity*, ary aoka hisy *itsy*."

<sup>45</sup> Ankehitriny dia hitantsika fa, matetika, dia toy ny hoe mamerina na milaza zavatra izay tsy Lazainy ny Baiboly. Ohatra, ao amin'ny Genesisy 1 dia mahita isika hoe, "Andriamanitra dia namorona ny olona araka ny Endriny Manokana, araka ny endrik'Andriamanitra no Namoronany azy; lahy sy vavy no Namoronany azy ireo." Ary avy eo dia manohy Izy, ka zavatra maro no nitranga teto ambonin'ny tany.

<sup>46</sup> Avy eo dia hitantsika fa, tsy nisy olona hiasa ny tany. "Noho izany dia namorona ny olona avy tamin'ny vovoky ny tany Andriamanitra." Olona hafa iray izany. "Ary nitsoka ny fanahin'aina tao aminy Izy, ka lasa olombelona izy."

<sup>47</sup> Ilay olona voalohany dia araka ny endrik'Andriamanitra, izay Fanahy. Jaona 4, dia manao hoe, "Andriamanitra dia Fanahy, ary izay mivavaka Aminy dia tsy maintsy mivavaka Aminy amin'ny Fanahy sy amin'ny Fahamarinana." Fa Fanahy iray Andriamanitra. Ary ny olona voalohany, izay Noforoniny, dia olona-fanahy, ary araka ny endrika sy tamin'ny fitoviana amin'Andriamanitra izy.

<sup>48</sup> Ary avy eo dia Napetrany tao anatin'ny nofo io olona io, ka lavo ny olona. Koa noho izany dia nidina Andriamanitra ary lasa endrik'olona, mba Ahafahany manavotra an'io olona lavo io. Izany no tena tantaran'ny Filazantsara, araka ny—araka ny hevitro.

<sup>49</sup> Ankehitriny, Andriamanitra, tao anatin'ny enina arivo taona, dia namboly an'ireo voa tsara tarehy rehetra ireo, na niteny Ny Teniny Izy. "Ho tahaka an'izao ilay izy. Hisy *ity* hazo *ity*. Hisy *ity*." Ny zavatra rehetra dia tanteraka. Tsara fotsiny izany. Ary nandidy ny tsirairay avy tamin'ireo voa ireo Izy an'izay haha-izy azy ireo, hanovan'izy ireo ny tenany ho zava-maniry araka ny karazan'aina izay notenenin'ny Tenin'Andriamanitra tokony haha-izy azy ireo. Raha hazo ôka iray ilay izy, dia tsy maintsy mamoa ôka iray izy. Raha palma iray ilay izy, dia tsy maintsy mamoa palma iray izy.

<sup>50</sup> Satria, ilay Mpamorona lehibe dia nandefa fotsiny Ny Teniny, ka ilay Teny voa dia efa teo talohan'ny hany niforonan'ilay tena voa. Ary ny Teny no namorona an'ilay voa. Hitanareo, "Izy no nanao an'izao tontolo izao avy tamin'ireo zavatra izay tsy hita maso." Hitanareo, Izy—Izy no nanao an'izao tontolo izao tamin'ny alâlan'Ny Teniny. Andriamanitra no niteny ny zavatra rehetra ho amin'ny fisiana.

<sup>51</sup> Ary satria Andriamanitra, ilay Mpamorona, no niteny ny zavatra rehetra ho amin'ny fisiana, dia tsy maintsy tontolo iray tanteraka izany. Izany dia to—toerana iray tsara tarehy. Izany dia te—tena paradisa tena izy iray teto ambonin'ny tany.

<sup>52</sup> Ankehitriny, satria, ny toerana rehetra dia tsy maintsy manana foibe iray any ho any. Ity favoriana ity dia manana foibe, ary ity fiaraha-mivory ity dia manana foibe, ary ny fiangonana iray dia manana foibe. Ary Andriamanitra dia manana foibe. Ary toy izany koa ity toerana malaza, firenena izay iainantsika ity, manana foibe izy. Ary toy izany koa no ananan'ity Edena lehibe ity foibe iray, ary ny foibeny dia nipetraka tao amin'ny sahan'i Edena, na tao Edena, atsinanan'ilay saha.

<sup>53</sup> Ary napetrak'Andriamanitra teo amin'io, mba hanapaka ny Famoronany lehibe rehetra teto an-tany teto, ny Zanany sy ny ampakarin'ny Zanany, Adama sy Eva.

<sup>54</sup> Andriamanitra no Rain'i Adama. "Adama dia ny... no zanak'Andriamanitra," araka ny Soratra. Izy no zanak'Andriamanitra.

<sup>55</sup> Ary nanao mpanampy iray ho azy Andriamanitra, avy tamin'ny vatany manokana; angamba taolan-tehezana iray avy teo amin'ny fony, mba hahatonga azy hanakaiky azy, ary nanao mpanampy iray ho azy. Tsy mbola tena vadiny izy tamin'izany, tahaka ny tsy mbola naha-izany an'ilay lehilahy; Noteneniny fotsiny ilay izy. Ary teo no tonga ny olana, Satana no nahalala azy talohan'ny nahalalan'i Adama. Noho izany, ilay izy dia Ny Teniny izay Noteneniny fotsiny.

<sup>56</sup> Milaza an'izany aho, tsy te-handany fotoana be loatra eo amin'izany aho. Fa ny sasany aminareo dia mety hikorontana kely, indrindra ny sasany amin'ireo olona any—any Atsimo, toy ny mahita an'izany ho fikorontanana kely, eo amin'ny Hafatra

izay azoko avy amin'Andriamanitra amin'izao andro izao, ho an'ny olona, izany dia mikasika ny taranaky ny menarana. Ary handeha hody aho, raha sitrak y Tompo, indray andro any, ho any Jeffersonville. Mila hafatra eo amin'ny adiny enina eo aho, ary manitsy an'izany tanteraka, hitanareo, mba hametraka an'izany mihitsy amin'ny endrika izay hahafantaranareo an'izay resahantsika. Ary izany no HOY NÝ TOMPO HOE. Izany dia marina mihitsy tahaka ny na ha-izy azy tamin'ny Nahitany ny Anabavintsika Florence talohan'ny nahalasanany, taona maro. Hitanareo, Izany no Fahamarinana. Ary ankehitriny, isika, angamba tsy azo tsara ilay izy.

<sup>57</sup> Raha nanatona ahy ny olona iray, misy zavatra mifanohitra, dia tsy hahazo azy tsara aho, ny tenako. Tsy te-hitsikera an'izay lazain'ny olona iray aho. Tsy tokony hifampitsikera isika. Tsy meloka tamin'ny fanaovana an'izany aho; misaotra ny Tompo aho. Nitsikera ny fahotana sy ny tsi-finoana aho; fa tsy ny olona isam-batan'olona, hitanareo, izaho—tsy mitsikera aho. Isika dia—isika dia mpirahalahy sy mpirahavavy, mitolona, mandeha mankany amin'izay nandehanan dRanabavy Florence omaly maraina isika, hitanareo. Izy, isika, tsy maintsy tonga eo amin'io lalana io isika. Ary tsy tanjoko ny—ny miezaka mitsikera rahalahy na anabavy iray izay tsy mifanaraka aminareo. Tsia, lavitra ahy ny hanao an'izany! Tsy mihevitra aho fa mba hahita horonam-peo iray ianareo izay hany niantsoako anaran'olona iray. Nefa, tsapako fa diso imbetsaka ilay olona, saingy eo amin'izy ireo sy Andriamanitra izany. Fa izay diso, izay heverina ho fahotana sy... Ary matetika ny tsi-fahazoana tsara dia tsy fahotana akory aza, tsi-fahazoana tsara an'ny olona fotsiny ilay izy. Ary izaho—heveriko fa ny tsirairay avy amintsika dia manana zò haneho ny tenantsika araka ny fahazoantsika.

<sup>58</sup> Ankehitriny ity Mpamorona lehibe ity dia nametraka ny Zananilahy noforonina. Ankehitriny, Adama no Zananilahy noforonina voalohany. Jesosy No Zananilahy tokana *naterany*, hitanareo, Izy dia nateraky ny vehivavy iray. Fa Adama dia avy tamin'ny tangan'Andriamanitra avy hatrany, tao amin'ny famoronana.

<sup>59</sup> Ankehitriny ilay foibe, miaraka amin'Ny—Ny zananilahy sy ny ampakarin'ny Zananilahy nifehy ny rehetra, dia tena tanteraka izany. Nisy le—lehilahy iray, ilay lohan'izany rehetra izany, ny Zananilahy Manokana sy ny ampakariny.

<sup>60</sup> Ary tanteraka ny voa tsirairay, ireo palma, sy ireo ôka, sy ireo ahitra, sy ireo vorona, ary ireo biby. Ary ny zavatra rehetra dia tao anatin'ny lamina tanteraka niaraka tamin'ny Didin'Andriamanitra hoe, "Aza manova ny natioranareo. Mamoaza ny karazany avy, ry voa tsirairay! Ry ôka, aza mivadika ho hazo papay mihitsy." Hitanareo? "Ry palma, aza mivadika ho zavatra hafa. Fa ny voa tsirairay ho araka

ny karazany avy!” Ary Izy dia—Izy dia nanara-maso an’izany nandritr’ireo fotoana.

<sup>61</sup> Ary efa niteny ny Teny Izy. Ary Ny Heriny lehibe no nanao an’ireo zavatra izay niseho ireo, ary na dia ny lehilahy sy ny vehivavy mihitsy aza. Ary izy ireo no loha satria izy ireo no... ambony amin’ny firazanana hafa rehetra izy ireo. Ary Napetrany teo ambanin’ny fiahiana iray ihany koa izay Nametrahany ny hazo, ny biby, sy ny sisa izy ireo: Ny Teniny. Tsy nahazo mihitsy izy ireo, velively, nandika an’io Teny io. Tsy maintsy nijanona Teo izy ireo. “Aza manaisotra na inona na inona amin’Izany, na manampy na inona na inona amin’Izany! Tsy maintsy mivelona amin’ity Teny ity ianareo.”

<sup>62</sup> Ary raha mbola nisy tahaka an’izany foana io famoronana io, dia tsy tokony ho lasa Ranabavy Shakarian izao maraina izao, raha mbola nijanona tahaka an’izany foana izy, ny fananan’Andriamanitra lehibe! Izany no inoantsika fa hiverenantsika. Hiverina amin’io faritra io isika, io toerana io.

<sup>63</sup> Izay nisy an’io maraina fahafito io, rehefa njery azy rehetra Andriamanitra, ka hoy Izy hoe, “Tsara izany. Izaho—Ankasitrahako izany. Hia, Izaho—Izaho—faly Aho nanao azy. Ary eo ambany fifehezana izy rehetra ankehitriny. Ary efa nametraka ny fahatokiana tamin’ny Zanakolahy sy tamin’ny vadiny Aho, hoe—hoe izy ireo no (manao azy ireo ho lohan’izy rehetra), hoe izy ireo no hanara-maso azy rehetra sy hahita raha mety tsara izany, hoe ny zavatra rehetra dia hamoa araka ny karazany avy. Ankehitriny dia manana ny fahefana hanao an’izany izy.” Avy eo dia hoy Andriamanitra hoe, “Eny, raha tena tsara izy rehetra, dia tsy mety ho zavatra hafa izy, satria izany no Faniriako Manokana. Tahaka an’izany no Ilaiko azy. Ary tahaka an’izany no Nitenenako azy, ary Ny Teniko dia namokatra an’ilay izy marina tokoa araka ny Nilaiko azy. Ary io izy. Tsara izy rehetra!” Noho izany dia hoy ny Baiboly hoe, “Andriamanitra dia nitsahatra tamin’ny andro fahafito, tamin’ny Asany rehetra.”

<sup>64</sup> Ary ny zavatra rehetra dia teo ambany fifehezana, mba hamoa ny karazany avy. Tsarovy ankehitriny, “hamoa.” Rehefa mametraka an’ilay voa ao amin’ny tany Izy, dia amin’ny herin’ny fiaianana ao anatinny irery ihany no ahafahan’ilay voa mivoaka, mba hanova azy avy amin’ny voa iray ho zava-maniry iray, na inona na inona ilay izy. Ny Heriny manova! Ankehitriny, Andriamanitra dia mametraka voa ao anatinny ao, miaraka amin’ireo ilaina mba haha-izy azy arak’izay Nolazainy fa haha-izy azy. Ary raha mbola nijanona tao amin’ny karazany marina foana izy, dia ho arak’izay nolazain’Andriamanitra haha-izy azy marina tokoa izy. Tsy maintsy tahaka an’izany ilay izy, satria tahaka an’izany no Nanaovany azy, ary nanao fantsona iray. Ka, ny zavatra rehetra izay mijanona ao amin’ny Fantsony, ao amin’ny laharan’Ny Teniny, dia tsy maintsy mamoa

marina tokoa arak'izay nolazain'Ny Teniny fa hataony. Tsy afaka mihetsika eo izy. Tafiditra anaty fantsona marina tokoa izy. Noho izany, miaraka amin'ny zavatra rehetra ao amin'ny fahatokiana ny Zanany Manokana, mba ho tahaka an'izany izy, tamin'izay fotoana izay dia hoy Andriamanitra hoe, "Tsara ny rehetra, noho izany dia hitsahatra fotsiny Aho. Ary ny tsirairay avy amin'ireo voa ireo dia manana hery ao amin'ny tenany, hanova ny tenany ho amin'ny karazana izay Tiako haha-izy azy. Izany no tsy maintsy haha-izy azy, satria efa Nomeko ny voa tsirairay ny hery manova, mba hamoaka avy ao amin'ny tenany, ao amin'ireo ilainy ankehitriny mba hamoaka avy ao amin'ny tenany marina tokoa an'izay Ilaiko haha-izy azy."

<sup>65</sup> Tsy niova mihitsy Andriamanitra. Ilay tsy miova mihitsy androany tahaka Azy tamin'izany! Tapa-kevitra hanao zavatra Andriamanitra. Hataony izany. Tsy misy na inona na inona hampijanona Azy. Hataony izany!

<sup>66</sup> Ankehitriny rehefa avy tena tsara izany rehetra izany ary voapetraka tao amin'ny lamina, dia nahatsapa ho nanana antoka Andriamanitra ankehitriny fa ho mety tsara daholo io, ka noho izany, rehefa nahatsapa Izzy, tamin'izay fotoana izay dia tonga ilay fahavaloo. Izaho dia... Andriamanitra dia nanome hery manova. Ary hiantso an'io lehilahy io aho, miaraka amin'ny hery tsy–tsy hamorona indray, fa izaho dia... Nanana hery hanimba izy, tsy hanova; fa hanimba. Ankehitriny, ny zavatra rehetra simba dia nalaina avy amin'ny toetrary tany am-boaloahany, misy zavatra izay lasa ratsy taminy.

<sup>67</sup> Taona vitsy lasa izay, teo amin'ny fisafona, dia nitety an'ireo sahan-katsaka aho, nieritreritra aho, nisy rantsan-kazo niendaka avy teo amin'ny hazo iray, ary latsaka teo ambonin'ny tahon-katsaka anankiray. Ary niezaka ny tsara indrindrany ilay taho mba hiarina tsara tahaka ny tokony haha-izy azy, saingy simba izy satria nisy zavatra nitranga. Ary nipetraka teo amboniny ilay tsora-kazo.

<sup>68</sup> Avy eo dia nahita ahi-dratsy nandady iray izahay teo amin'ilay saha. Fa, maro aminareo lehilahy eto, ary angamba ny sasany aminareo vehivavy... raha avy any Kentucky ianareeo. Ireo vehivavy any dia mampiasa angady tahaka ny lehilahy iray ihany, mivoaka eny amin'ny saha miaraka amin'ny–miaraka amin'ny angady iray, izahay dia miantsosy azy hoe angady tendan-gisa, ary manapaka an'ireo–ireo mandady hiala. Satria, raha tsy nesorinareo ireo mandady ireo, izay misy ny katsaka eo amin'ny laharana, tahaka an'izao, amin'izay fotoana izay dia hanakatra eo io mandady io, handramby an'io katsaka io, ary hampandrakotra ny tenany manodidina tsikelikely, tena mora mihitsy, tena misokosoko, ka zara ianareeo raha hiteny fa mandrakotra izy. Ary farany dia ho lasa mihamatanjaka sy miha-matanjaka izy, ary hisintona an'io katsaka io mandra-pahatonga azy ho simba. Manao azy hanery ny tenany,

mandrakotra azy manodidina ny voany manokana; manimba azy avy tamin'izay naha-izy azy, ho amin'ny zavatra hafa. Kanefa katsaka izy, saingy katsaka simba.

<sup>69</sup> Ary isika dia mbola araka ny endrik'Andriamanitra foana. Saingy ny sasany dia tena simba, amin'ny maha-zanak'Andriamanitra, izay mandeha mifanohitra amin'Ny Teniny sy amin'ny lèlana izay—izay Natorony antsika sy nomaniny handehanantsika. Mametraka zavatra iray, izao tontolo izao no namily antsika hiala amin'ilay lèlana, misintonia antsika manakaiky azy, sy hanalavitra an'ilay lèlala-mahitsy, tery izay Namboleny ao anatintsika, mba ho zanakalahy sy zanakavavin'Andriamanitra. Ny fahotana no nanao an'io zavatra ratsy io tamin'ireo zanakalahy sy zanakavavin'Andriamanitra.

<sup>70</sup> Ilay mpanimba! Fantatro fa toa hafahafa raha ny marina ny miteny an'ilay izy amin'izao fomba izao hoe, "ma—manimba," saingy efa izany izy; nanimba izy, na namadika. *Navadika* dia midika hoe "efa novaina, lasa zavatra hafa." Ary *manimba* dia ilay zavatra iray ihany, izay nentina ary simba, ary "natao tamin'ny fomba hafa." Kanefa dia mbola ilay voa iray ihany foana, saingy simba izy.

<sup>71</sup> Ankehitriny dia hitantsika fa io mpanimba io dia nanana an'ilay habetsaham-potoana iray ihany, mba hanimba, tahaka ny nananan'Andriamanitra mba hanova. Ankehitriny dia namboly ny voany izy, na, tsy namboly ny voany mihitsy, izy... tao amin'ny sahan'i Edena. Hatramin'io fotoana io, dia nanana enina arivo taonan'ny fanimbàna an'ilay Voan'Andriamanitra izy, ny Tenin'Andriamanitra; mba hanimba an'Izany, manao an'Izany ho zavatra hafa; rehefa izy... ny fotoana voalohany izay nihainoan'i Eva azy, ary nihazona fehezan-teny kely anankiray fotsiny ho an'ny tenany.

<sup>72</sup> Tsarovy, nanonona an'io Soratra io mazava mihitsy arak'izay naha-izy azy aloha Satana hoe, "Nilaza ve Andriamanitra hoe, 'Aza ihinananareo ny avy amin'ny hazo rehetra ao amin'ny sahan'i Edena?'" Hitanareo? "Aza ihinananareo ny avy amin'ny hazo rehetra?"

<sup>73</sup> Ary tsarovy ankehitriny, hoy Eva hoe, "Eny, afaka mihinana ny hazo rehetra izahay; saingy ny hazo izay eo afovoan'ny saha, dia tsy azonay kasihana akory aza izany." Diniho izy ankehitriny, ao amin'ny hafany, nanodina kely an'io Teny io fotsiny. Tamin'ny filazana... Hoy Eva hoe, "Satria Andriamanitra dia nilaza, fa, raha mikasika an'io izahay, amin'io andro io izahay dia 'maty.'"

<sup>74</sup> Hoy izy hoe, "Oh, azo antoka mihitsy fa tsy ho faty ianareo." Hitanareo, izy dia le—lehilahy iray, hoy izy hoe, "Ianareo, ataovy izany ankehitriny. Ary, ianareo, karazana olona tsy mahay ianareo. Ianareo, marina tokoa, tsy mahafantatra ny zavatra rehetra ianareo. Fa raha mandray anjara amin'io fotsiny

ianareo, amin'izay fotoana izay dia hahazo fahendrena, hahazo fahalalana ianareo. Hahafantatra ny tsara sy ny ratsy ianareo ka ho tahaka an'ireo Andriamanitra, ianareo, raha handray anjara fotsiny amin'io fahendrena izay ananako io ianareo. Izaho mahafantatra, fa ianareo tsy mahafantatra."

<sup>75</sup> Fa, mety tsara ny mahazo fahendrena. Saingy raha mifanohitra ny fahendrena, raha tsy fahendrena marina avy amin'Andriamanitra ilay fahendrena, fahendrena Masina, ka lasa fahendrena ara-boajanahary; tsy ahoako na siansa firy no ananantsika, ary inona koa, na fianarana, avy amin'ny devoly izany. Ho porofoiko aminareo izany, raha sitrakny Tompo, afaka minitra vitsy. Avy amin'ny devoly izany.

<sup>76</sup> Ny fandrosoana dia avy amin'ny devoly. Vao avy nitory teo amin'izany aho. Ny kolontaina rehetra eto an-tany, ny fahefan'ny siansa rehetra, sy ny zavatra rehetra, dia avy amin'ny devoly. Izany no filazantsarany izay notoriandy, an'ny fahalalana, tao amin'ny sahan'i Edena. Ary nentiny io fahalalana io, fahalalana navadika, nifanohitra tamin'ny Teny sy ny sitrapo ary ny drafitr'Andriamanitra. Ary ankehitriny dia efa nanana enina arivo taona izy hanaovana marina tokoa an'izay nataon'Andriamanitra, saingy tamin'ny fomba iray navadika, ka naka an'ilay habetsaham-potoana iray ihany mba hampidirana ny Edenany manokana. Ankehitriny dia manana Edena iray izy eto an-tany, ary izany dia feno fahendrena, fahalalana. Izany no filazantsarany tany amin'ny fiandohana, fahalalana, fahendrena, siansa. Tsy nikarakara karazan-javatra tahaka an'izany mihitsy Andriamanitra. Ary izaho—tiako ianareo handinika iray minitra. Nanao an'io izy, ary satria izy dia lehilahin'ny fahendren'izao tontolo izao.

<sup>77</sup> Ankehitriny, sarotra ny milaza an'izany. Izany dia—tena sarotra izany, satria miresaka amin'ny olona izay mahatsapa tahaka an'izay tsapako aho, ary tahaka an'izay efa tsapako nandritry ny taona maro. Fa hatramin'ny fanokafana an'ireo Tombokase Fito ireo, avy tamin'ireo Anjely ireo tao ambadik'ilay tendrombohitra tany mihitsy, *Ity* dia lasa Boky vaovao iray. Izany dia ireo zavatra izay nafenina, izay voambara araka ny nampanantenain'Andriamanitra ao amin'ny Apokalypsy 10, fa Hataony izany. Ary isika dia vahoaka manana tombontsoa izay nofidian'Andriamanitra, eto an-tany, mba ahafahantsika mahita sy mahazo an'ireo zavatra ireo; izay tsy fisainana angano, ara-nofo an'ny olona iray izay miezaka mamorona azy. Izany no Tenin'Andriamanitra tonga voaseho, voaporofe, hoe marina Izany. Voaporofe, tsy tamin'ny alàlan'ny siansa; fa tamin'ny alàlan'Andriamanitra, hoe marina Izany. Andriamanitra, araka ny nolazaiko tany aloha tao amin'ny hafatra iray, tsy mila na iza na iza handika Ny Teniny Andriamanitra. Izy No Mpandika teniny Manokana. Izy no milaza fa hitranga izany, dia mitranga

izany. Izany dia, Izy—Izy no manamarina azy, dia izany no mandika azy.

<sup>78</sup> Taona vitsy lasa izay rehefa, isika vahoaka pentekotista, rehefa ireo—ireo fiangonana hafa no niteny tamintsika fa isika dia “adala,” isika dia “tsy afaka, ny Fanahy Masina dia zavatra iray an’ny lasa.” Saingy hitantsika fa ny teny fikasan’Andriamanitra dia ho an’izay mila, ary ankehitriny dia mahafantatra hafa isika. Hitanareo, ary izany dia tsikelikely, no nisokafan’io zavatra io.

<sup>79</sup> Ary ankehitriny dia Izy no nampanantena fa ireo zavamiafina izay nafenina tao anatin’ireo, ireo taom-piangonana rehetra ireo, dia ho voambara mihitsy amin’ny andro farany. Ary Izy no mamela antsika hahafantatra ankehitriny. Eo amin’ny andro farany isika. Eto isika ankehitriny.

<sup>80</sup> Ankehitriny, Satana no mpanao ny fandrosoana. Izy no mpanao ny siansa. Izy no mpanao ny fianarana.

Hoy ianareo hoe, “Marina ve izany?”

<sup>81</sup> Eny ary, ndao isika hamaky ao amin’ny Tenin’Andriamanitra ankehitriny, Genesisy 4, ary ndao isika hiverina ka hahita fotsiny mandritry ny iray minitra. Fantatro fa izaho dia mety, raha ela loatra aho, dia Rahalahy Carl angamba no hiteny amiko. [Hoy ny olona iray hoe, “Mety tsara izany.”—Mpand.] Fa, Genesisy, ny toko faha-4, ary ny andininy faha-16, no manohy miteny eto, tany amin’ny fiandohana, an’izay nataon’Andriamanitra tao amin’ny lamina, mba hametrahana ny ozona teo amin’ilay lehilahy sy ilay vehivavy, ary izay rehetra tokony nataon’izy ireo; ary tsy hoe ny ozona ho eo amin’izy ireo, fa miteny amin’izy ireo an’izay hitranga, sy manozena ny tany nohon’ny amin’i Adama. Ary hitantsika eto ankehitriny, fa Eva dia nahazo kambana. Ka ny iray tamin’izy ireo dia avy tamin’i Satana, ary ny iray tamin’izy ireo dia avy tamin’Andriamanitra.

Ankehitriny hoy ianareo hoe, “Oh, tsia! Tsia. Ankehitriny, Rahalahy Branham!”

<sup>82</sup> Iray minitra fotsiny. Itadiavo Soratra anankiray aho, na aiza na aiza, izay milaza fa zanak’i Adama i Kaina. Hasehoko anareo ao amin’ny Soratra izay Ilazany hoe, “Kaina dia avy tamin’ilay ratsy,” fa tsy Adama.

<sup>83</sup> Mariho ankehitriny rehefa nanan-anaka izy eto. Manomboka amin’ny toko faha-4 isika, aloha.

*Ary Adama nahalala...ny vadiny; ka nanan-anaka izy, ary niteraka an’i Kaina, ka nanao hoe, Izaho dia nahazo...izy no nilaza ankehitriny hoe, Izaho dia nahazo zazalahy avy tamin’ny TOMPO.*

<sup>84</sup> Mazava ho azy, tsy maintsy ho izany ilay izy. Tsy mampaninona na mpivarotena ilay izy na inona, tsy maintsy avy tamin’Andriamanitra izany, hitanareo, satria izany no Voany,

izany no lalàn'ny Voany, tsy maintsy mamokatra izy na voa lò ilay izy, voa navadika, na inona ilay izy. Tsy maintsy mamokatra izy, na ahoana na ahoana. Izany no Didiny.

*Ary niteraka an'i Abela rahalahiny indray izy.*

<sup>85</sup> Tsy nahalala azy intsony. Nahalala ny vadiny i Adama, dia niteraka an'i Kaina izy ary niteraka an'i Abela koa, kambana. Satana no niaraka taminy tamin'io maraina io, Adama tamin'io tolakandro io.

<sup>86</sup> Hitanareo ilay fifamaliana goavana ao amin'ny gazety eto, mino aho, any Tucson ankehitriny, ny amin'ilay vehivavy izay niteraka zaza iray mainty hoditra sy zaza iray fotsy hoditra, tamin'ny fotoana iray ihany. Niaina niaraka tamin'ny vadiny izy tamin'io maraina io, ary ilay lehilahy tamin'io tolakandro io. Ary ilay lehilahy dia hikarakara, nilaza ilay lehilahy fotsy hoditra fa hikarakara ny zanany manokana izy, fa ilay lehilahy mainty hoditra no tokony hikarakara ny zanany manokana. Hitanareo? Fantatro izany, tamin'ny fampanarahana an'ireo alika sy ny sisa, hisy tokoa izany, raha aorian'ny minittra vitsy avy eo ilay izy. Io no manaporofa an'izany.

<sup>87</sup> Ankehitriny mba hanehoana hoe avy aiza ny fandrosoana, dia ndao isika ankehitriny hamaky ny Genesisy eto, ao amin'ny toko faha-4-n'ny Genesisy indray, dia hahita hoe aiza. Ny andininy faha-16.

*Ary Kaina niala teo amin'ny fanatrehan'Andriamanitra, ka nonina tany amin'ny tanin'i Noda, tany atsinanana tandrifin'i Edena.*

*Ary Kaina nahalala ny vadiny; ary nanan-anaka izy, ka niteraka an'i Enoka: ary nanorina tanàna iray izy, ka niantso ny anaran'ilay tanàna, araka... ny zanany, Enoka.*

<sup>88</sup> Nanomboka ny fandrosoana. Dokotera Scofield, ato amin'ny Baiboliko Scofield, izao no lazainy hoe, "Ny fandrosoana voalohany." Mariho, avy eo dia niteraka zanakalahy izy, ary nanamboatra orga sy zava-maneno izy ireo. Ilay anankiray manaraka dia niteraka zanakalahy, ary nanomboka nanao zavatra hafa izy, zava-mahagaga, nanorina tanàna, ary—ary nanamboatra fitaovana varahina, sy ireo karazan-javatra rehetra. Hitanareo, izany no nataony, lasa fandrosoana voalohany, izay Kaina-ita. Nanao an'ilay zavatra iray ihany izy nanerana an'ireo taona.

<sup>89</sup> Ankehitriny dia ndao isika handeha eo amin'ny andininy faha-25, ka handinika hoe inona ilay manaraka.

*Ary Adama nahalala ny vadiny indray, ankehitriny, ka niteraka zazalahy izy, ary niantso ny anarany hoe Seta: Satria Andriamanitra, hoy izy, dia nanome ahy taranaka iray ho solon'i Abela izay novonoin'i Kaina.*

*Ary Seta... Ary avy tamin'i Seta, nisy zanakalahy iray koa teraka avy taminy; ary izy niantso ny anarany hoe Enosy: ary tamin'izany fotoana izany ny olona no nanomboka niantso ny anaran'ny TOMPO (avy tamin'ny lafin'i Seta, fa tsy ilay lafin'i Kainita).*

<sup>90</sup> Hitanareo, io mahay malaza izay tena amikirantsika rehetra io! Inona ny kominisma amin'izao andro izao, inona no andriamanitr'izy ireo? Izany dia ilay mahay, siansa. Inona no ataontsika, na ahoana na ahoana? Aiza isika no miaina? Diniho tsara ireo teny ireo androany.

<sup>91</sup> Ankehitriny dia manana ny karazana Edenany iray izy, manana i Satana ankehitriny. Nandritr'ireo enina arivo taona ireo, no nanaovany (tsy namoronany), fa, nanimbàny ny tanin'Andriamanitra manontolo; ireo famoronany, ireo biby, mampanaraka, mampifangaro; ireo hazo, ireo voly, ny olombelona; na dia ny fivavahana aza, ny Baiboly, fiangonana; mandra-panaony ho an'ny tenany sahan'i Edena feno iray, an'ny siansa, ny zavatra rehetra dia mihetsika araka ny siansa. Ireo fiarantsika, ny zavatra rehetra izay ananantsika, dia nomena antsika tamin'ny alàlan'ny siansa, izay nataon'ny olona. Ary manana ny Edenany malaza izy eto; mba hanaporofoana fa araka ny fotoana ny Hafatra, mba hanaporofoana fa izany dia tsy taona hafa iray fa ny Apokalypy 10! Jereo ilay fampifangaroana amin'izao andro izao, mba hanao tsaratsara kokoa, na, tsara tarehy kokoa, fa tsy tsaratsara kokoa. Jereo ireo ankizy kely amin'izao andro izao.

<sup>92</sup> Nentiko tany amin'ny mpitsabo nify iray ny zanakovavy, omaly, ka nilaza izy fa nivilana ireo nifiny. Rahalahy iray tany Tucson, Rahalahy Norman, dia nanana ny zananivavy kely, ary mivoaka mankany aloha ireo nifiny. Dia nilaza ilay mpitsabo nify fa tsy ho ela, mino izy, dia ho tonga angamba ny fotoana, izay hahaterahan'ny olona, miaraka amin'ny nify maniry amin'ny fombany rehetra. Izany dia ilay sakafio izay hanintsika, sakafio mifangaro.

<sup>93</sup> Efa namaky ny *Reader's Digest* ve ianareo, tamin'ny volana lasa, mikasika an'i Billy Graham, ilay evanelista ambony? Efa nihaino azy ve ianareo? Mivavaka ho azy mihoatra noho ny hatramin'izay aho ankehitriny. Rehefa niresaka tamin'ireo vozon'akanjo mivadika izy, sy ny sisa, indray hariva, nametraka an'izany tamin'io mpitondra fivavahana io. Nisy zavatra nitranga taminy. Indray andro any, dia manantena aho fa mahita ny toerany izay misy azy izy, mariho, ankehitriny izy dia miantso hatrany Sodoma, io tanàna simba io. Ary mariho izany ankehitriny ao amin'ny *Reader's Digest*, lasa tena malemy i Billy ka tsy afaka manao an'ireo fivoriana akory aza izy. Ary niteny taminy izy ireo fa tsy maintsy mihazakazaka izy, manao fanazaran-tena, sy ny sisa. Noho izany dia mihazakazaka maily

iray isan'andro izy, mino aho fa izay ilay izy, na zavatra iray, mba hanao fanazaran-tena.

<sup>94</sup> Lò ny olona. Lò ilay taranak'olombelona manontolo. Ny zavatra rehetra dia tahaka ny tamin'ny fotoana talohan'ny safordrano. Mikorontana tanteraka ilay izy, mivadika, hafa noho ilay laharana mahitsy izay nambolen'Andriamanitra tao anatin'izy ireo. Ny fahotana, tamin'ny alàlan'ny siansa sy famitahana, no nanodina an'ilay taranak'olombelona manontolo.

<sup>95</sup> Efa novakianareo koa ve ny teo ambany indrindra an'ilay lahatsoratra, izay nilazany hoe, "Amin'izao andro izao, ireo zazavavy sy zazalahy kely dia ao amin'ny taonany antenantenany, araka ny toe-batana, eo anelanelan'ny roapolo sy dimy amby roapolo taona." Eritrereto izany.

<sup>96</sup> Tao amin'ny famantarana indray hariva, dia nahatratra zazavavy iray roa amby roapolo taona aho, tao amin'ny fitsaha-jaza, niantso azy. Ary izany no notenenin'ny dokoterany taminy.

<sup>97</sup> Hitanareo, ilay izy dia taranaka iray lavo, miharatsy, lò voatokana ho an'ny helo. Fantattro fa tsy araka ny etika izany, saingy ara-Baiboly, hitanareo, hoe marina izany; ary ity taranaka izay iainantsika ity, ity taranak'olona ity.

<sup>98</sup> Ankehitriny dia mariho amin'izao andro izao, biby fiompy nafangaro, voly nafangaro; nefo dia miverina avy hatrany ny siansa, ilay siansa iray ihany izay manao an'ilay izy, manao hoe, "Izany no manapotika an'ilay taranak'olombelona manontolo." Mamaky an'izany tahaka ny amakiako ianareo. Eny, nahoana no tsy ajanon'izy ireo izany? Dia satria tsy afaka manajanona an'izany izy ireo. Ny Tenin'Andriamanitra no efa nilaza fa ho tahaka an'izany ilay izy. Fa raha nieritreritra nandritry ny iray minitra izy ireo, dia izy ireo no fitaovana, tahaka an'i Jodasy Iskariota, mametrakà marina tokoa an'ilay zavatra izay nolazain'Andriamanitra fa hitranga. Izany dia manao an'ilay izy marina tokoa mihitsy eo amin'ny fototry ny siansany manokana.

<sup>99</sup> Tamin'ny alàlan'ny fikarohany siantifika, tao amin'ilay modely iray ihany izay namitahany an'i Eva, no namitahany an'ilay fiangonana ihany koa, izay i Eva no tandindona iray teo. Ankehitriny, ankehitriny dia tandindona iray indray i Adama eo, na i Eva, raha ny marina, an'ilay fiangonana, mariho izay nataon'izany. Teo am-pitadiavana fahalalana, dia miampita an'ilay tsipika eo anelanelan'ny tsara sy ny ratsy izy, tamin'ny fihainoana ny famadihan'i Satana, na fanimbàna, an'ilay Tenin'Andriamanitra tany am-piandohana.

<sup>100</sup> Ary ankehitriny dia simba ireo fiangonana amin'izao andro izao. Ankehitriny dia tsy miresaka ny amin'ireo olona aho, ireo isam-batan'olona. Miresaka ny amin'ilay fiangonan'izao tontolo izao aho. Ny anankiray voahodina amin'ny fomba iray, ary ny anankiray voahodin'ny iray hafa, ary, amin'ny alàlan'ny siansa.

Ilay modely iray ihany izay nataony. Nampiasa ny fandrahonany izy, nampiasa i Satana, an'ny Isaia 14:12.

<sup>101</sup> Ndao isika hamaky fotsiny an'izany mandritry ny iray minitra. Ao amin'ny Bokin'ny Isaia, ndao isika hanomboka amin'ny toko faha-14, ny andininy faha-12.

*Ahoana fa nilatsaka avy tany an-danitra ianao, O ry Losifera, zanaky ny maraina! ahoana fa ianao dia nazera tamin'ny tany, izay nandripaka ny firenena!*

Ity dia Isaia izay nahita azy tao amin'ny fahitana iray, hitanareo, tao amin'ilay taona izay ho avy.

*Fa ianao dia nilaza tao am-ponao hoe, Hiakatra any an-danitra aho, hanandratra ny sezà fiandrianako any ambonin'ireo kintan'Andriamanitra aho: Hipetraka koa eo ambonin'ny tendrombohitry ny fivoriana aho, . . . ireo lafamy any avaratra:*

<sup>102</sup> Ny tanjon'i Satana, hatrany Edena, dia ny hanao Edena iray ho an'ny tenany manokana; ary hanandratra ny tenany ho ambony, mba hanompoan'ireo kintan'Andriamanitra azy, hanompoan'ireo zanaka azy. Ary nataony marina tokoa izany ankehitriny, ary rehefa nataony izany dia nampidiriny tao amin'ny fiangonana. Fa, tsy hiditra amin'ny antsipiriany aho. Ianareo rehetra izay mihaino an'ireo horonam-peo dia mahafantatra mikasika an'izany. Hoe, izany marina tokoa ilay ora izay iainantsika, ary Satana no nanao an'izany tamin'ny alalan'ny fandaharam-pampianarana, mety tsaratsara kokoa, *ity* tsaratsara kokoa, *itsy* tsaratsara kokoa. Ary tsy mahafantatra, isan'andro, fa mandeha mahitsy mankany amin'ny fahafatesana mihitsy izy ireo. Jamba, mitarika ny jamba, mpitarika jamba an'ireo firenena, mpitarika jamba an'ny siansa, mpitarika jamba an'ny fiangonana, jamba mitarika ny jamba. Hoy Jesosy hoe, "Avelao izy ireo hipetraka tsara, samy hilatsaka any anaty lavaka izy roa ireo."

<sup>103</sup> Mariho eto ilay tandindon'ireo Edena roa tena natao tandindona akaiky miaraka, hany ka saiky mamitaka an'ilay tena Voafidy. Matio 24:24 no nilaza fa ho tahaka an'izany ilay izy. Fa tiako isika hijanona mandritry ny fotoana fohy ka handinika tsara an'ireto Edena roa ireto, ary indrindra zavatra anankiray, ahoana no itenenan'ny Baiboly amintsika fa ny Tenin'Andriamanitra no namokatra an'io Edena io, ary ahoana no ampitandreman'ny Tenin'Andriamanitra antsika fa ho tonga ilay Edena hafa.

<sup>104</sup> Ankehitriny, fantatsika ihany koa fa tsy maintsy misy Edena hafa iray, raha hihaino an'ilay mpaminany koa isika, Paoly, ao amin'ny Tesaloniana Faharoa ny toko faha-2. Afaka mamaky an'Izany aho raha tianareo.

Izy izay manandratra ny tenany; *fa izany andro izany dia tsy ho tonga, an'ny Tompo, raha tsy voambara ilay lehilahin'ota, . . .*

. . . izy izay mipetraka ao an-tempolin'Andriamanitra, manandratra *ny tenany ho ambonin'izay rehetra antsoina hoe Andriamanitra*, mba hanompoana azy tahaka an'Andriamanitra satria Andriamanitra.

<sup>105</sup> Eritrereto izany! Ankehitriny Isaia 14, nilaza ilay mpaminany hoe izy dia nahita fa “Losifera, tao ampony,” tamin’ny alalan’ny fahitana iray teo ambanin’ny tsindrimandrin’Andriamanitra, “dia nilaza fa hanao an’izany izy.” Ao amin’ny Isaia, valonjato taona talohan’i Paoly, na manakaikikaiky an’izany.

<sup>106</sup> Ankehitriny eto, valonjato taona taty aoriana, dia mahita azy i Paoly, tonga eo amin’ny toerany. Mariho, mandroso izany, ny Edenany; ny Edenany siantifika, miaraka amin’ny tontolony siantifika, miaraka amin’ny fiangonana ampakarina iray siantifika, ny rehetra eo ambanin’ny—ny tontolon’ny “fahalalana,” seminera malaza, diploma malaza, fandaharam-pianarana.

<sup>107</sup> Henoy, rahalahy, ranabavy, ny tsirairay avy amintsika dia handeha amin’ilay lèlana izay nandehanan’i Florence. Mangataka aminareo aho, amin’ny Anaran’i Jesosy, mba handinika tsara an’Ity. Tsy mandinika tsara ahy. Rahalahinareo aho. Izany, tsy izany ilay izy. Diniho tsara ny Teny izay resahako, an’ny Baibolin’Andriamanitra. Ary diniho, voamarina tanteraka mihitsy ao amin’ny Tenin’Andriamanitra Manokana, ao amin’ny taona izay iainantsika, hoe aiza no misy antsika.

<sup>108</sup> Ireo fandaharana ireo dia antikristy tanteraka tokoa, ao amin’ny tenany. Ankehitriny, tsy maintsy manana Edena iray izy, izy no nilaza fa hanana an’izany. Eto ny Tenin’Andriamanitra tsotra dia milaza fa hanao an’izany izy, ary eto isika dia mijery tsara ka mahita azy manao an’izany. Efa nataony izany niaraka tamin’ny ampakariny mahay, siantifika, araanaram-piangonana. Izy no ho loha, indray andro any, ao amin’ny Fiombonamben’ny Fiangonana Maneran-tany iray izay ho tafapetraka. Ny rehetra dia hiaraka aminy. Miezaka . . .

<sup>109</sup> Ny olona, tsy satria hoe olona ratsy izy ireo; nambolena tao anatin’io laharana mahitsy io izy ireo, tahaka an’ilay katsaka, saingy Satana no namafy an’ireo mandady, nantsoina hoe ny siansa, fikarohana, fianarana, diploma’ny dokotera. Indraindray dia tsy hamela anareo ho eo amin’ny polipitra akory aza izy ireo raha tsy afaka mamokatra diploma’ny dokotera avy amin’ny seminera iray any ho any ianareo. Diso izany rehetra izany! Tsy ny olona; ilay fandaharana no diso. Ary ankehitriny dia inona no nataon’izany? Nandroso indray izany rehetra izany, ka nitondra an’ilay izao tontolo rehetra

izao (tamin'ny alàlan'ny andiana fampifangaroana, famadihana an'ilay Voan'Andriamanitra tany am-boalohany) ho amin'ny fahapotehana maizina hafa iray.

<sup>110</sup> Saingy tena faly aho fa mahatsiaro antsika indray Andriamanitra, ka mbola afaka mihetsika eo anoloan'ilay toerana foana Izy. Izy no nampanantena fa Hataony izany, ary hiantso andian'ondry kely iray ho Ny Ampakariny.

<sup>111</sup> Mariho indray eto ankehitriny, hoe tanteraka toy ny ahoana ireto tandindon'ny fiangonana ireto, na ireto Edena ireto.

<sup>112</sup> Andriamanitra, amin'ny alàlan'ny Voan'Ny Teniny! Ary zavatra tokana ihany no afaka mamelona ny Teny, ary izany dia ny Fanahy, satria Izany no Mpanome-Aina ny Teny. Ary rehefa ilay Aina ao anatin'ny Teny no mihaona amin'ilay Ain'ny Fanahy, dia mamokatra arak'izay maha-izy an'ilay Voa Izany.

<sup>113</sup> Mariho ankehitriny izay nitranga. Tao amin'ny sahan'i Edena dia ny fananan'Andriamanitra an'ny tsi-fananan-tsiny, ary izany no anankiray amin'ireo—ireo fizaram-potoana. Ny fizaram-potoana voalohany dia tsy nanan-tsiny, tsy nahafantatra fahotana ny olona. Tsy nahafantatra na inona na inona mikasika ny fahotana izy ireo. Samy nitanjaka i Adama sy Eva, saingy nafenina tamin'ny fitanjahany izy ireo, tamin'ny alàlan'ny voaly fanahy iray teo amin'ny tavan'izy ireo. Tsy nahafantatra mihitsy izy ireo hoe izy ireo dia nitanjaka, velively, satria nafenina izy ireo. Satria, ny voalin'Andriamanitra no teo amin'ny fisainan'izy ireo manokana, tsy nahafantatra an'izay tsara sy ratsy izy ireo. Ary izy roa dia samy nitsangana nitanjaka, izany no naneho fa tsy mbola tonga teo amin'izy ireo ny fahalalana, hitanareo, hoe nitanjaka izy ireo. Nitanjaka ilay anankiroa nefo tsy fantany izany.

<sup>114</sup> Ankehitriny raha hamadika ianareo, raha sitrakareo, na handray naoty azy, ao amin'ny Apokalypsy, ny toko faha-3. Nilaza mialoha an'ity taona farany ity ny Fanahy Masina, ny amin'ny Taonan'ny Fiangonana Pentekotista an'i Laodikia amin'ny andro farany, hoy Izy hoe, "Ianao dia mitanjaka, sy jamba, nefo tsy fantatralo izany."

<sup>115</sup> Io ilay Voan'Andriamanitra, teo ambanin'ny tsi-fananan-tsiny, tsy nahafantatra mihitsy fa nitanjaka izy ireo, teo ambanin'ny voaly iray an'ny Fanahy Masina, nanarona azy ireo tsy hahita ny fahotana.

<sup>116</sup> Ary ankehitriny ao amin'ilay taom-piangonana farany, dia hitantsika eto fa mitanjaka indray izy ireo, nefo tsy fantany izany. Fa tsy ny voalin'ny Fanahy Masina izany. Izany no voaly izay napetrak'i Satana teo amin'i Eva tany, voaly iray an'ny fitsiriritana, ilay voalin'ny fitsiriritana. Tena maloto izy ireo hany ka tsy fantany fa mitanjaka izy ireo, ireo vehivavintsika eny an-dàlambe, manao sorta, akanjo mampitanjaka.

<sup>117</sup> Nisy olona iray nandefa tamiko tapany iray tao amin'ny gazety indray andro, an'io akanjo vaovao izay hanaovan'izy ireo io, heveriko, efatra ambin'ny folo inches miala eo amin'ny valahana, na zavatra iray. Ary manontany aho raha ireo—raha fantatr'ireo vehivavy havantsika fa izany no voalin'ny fitsiriritana iray?

<sup>118</sup> Ankehitriny ianareo—hoy ianareo hoe, “Afaka manaporofo aho, eo anatrehan’Andriamanitra, fa tsy manan-tsiny amin’ny fijangajangana aho tamin’ny vadiko, na izaho—izaho...io rehetra io.”

<sup>119</sup> Saingy mbola, amin’ny Fitsarana, ianareo dia hantsoina hoe “mpijangajanga.” Ny Baiboly no niteny an’izany. Hoy Jesosy hoe, “Na iza na iza mijery vehivavy iray hitsiriritra azy, dia efa nijangajanga taminy tao am-pony.”

<sup>120</sup> “Jamba, mitanjaka, nefà tsy fantany izany!” Tsy ireo vehivavy kely mampalahelo eo ireo; tsy misy na inona na inona anoherako azy ireo. Ilay izy dia io ratsy io! Ary ilay rafitry ny fiangonana dia toa diso amin’ny fahafantarana an’izany na mitsangana manohitra an’izany; mamela azy ireo hanapaka ny volony, manao lokon-tarehy, ary ireo sorta sy ny sisa, eo ambanin’ny anaran’ny Kristianisma. Zavatra iray mahatsiravina toy ny inona izany! Hitanareo, mitanjaka indray izy ireo, ao amin’ny Edenan’i Satana, nefà tsy fantany izany. Tsy fantatr’izy ireo izany.

<sup>121</sup> Mino aho fa hitako, angamba, mijery eto am-pita eto, ilay dobo filomanosana, an’ireo vehivavy eo ivelany eo ankehitriny. Raha mba fantatr’io vehivavy io fotsiny mantsy izay ataony, saingy tsy fantany izany. Mitanjaka izy. Masina ny vatany. Manala ny akanjony izay nampiakanjon’Andriamanitra azy izy, amin’ny hoditra, ho an’ity taranaka ity. Manapaka azy tsy ankitsahatra izy. Mitanjaka izy, eo ambanin’ny teny hoe “fandrosoana, fianarana ambony kokoa, fandrosoana tsaratsara kokoa, etika ambony kokoa.” Aoka aho banana antoka fa milentika izao. Avy amin’ny devoly izany rehetra izany, ary ho rava amin’ny Fihavian’ny Tompo Jesosy. Ho rava izany, ny kely tsirairay amin’izany. Tsy hisy zavatra anankiray ho tavela.

<sup>122</sup> Ary, oh, ry sakaiza, manerana ny firenena, raha mihaino ahy ianareo eto Phoenix, dia eritrereto ireo zavatra ireo! Eo ambanin’izy ireo ianareo eto. Ankehitriny, Jesosy no nilaza fa, “Himitaka ny Voafidy izy ireo raha azo atao.”

<sup>123</sup> Ilay fanahy voalohany dia ny...voaly voalohany dia voaly masina iray, Fanahy Masina, ary tsy natao hijery ankoatran’Izany izy. Fa rehefa—rehefa nanomboka nireshaka taminy mikasika ny fahalalana i Satana, dia nanao topi-maso kely teo amin’izao tontolo izao izy.

<sup>124</sup> Ary izany marina tokoa ny zananivavy, ilay fiangonana, no nataony. Tsy maintsy mahita ianareo, tsy maintsy miakanjo

tahaka ny mpilalao sarimihetsika sasany ianareo, na ianareo lehilahy tanora dia tsy maintsy mihetsika tahaka an'i Elvis Presley na—na Pat Boone, na—na ny sasany amin'ireo olona ireo, eo ambanin'ny anaran'ny fivavahana.

<sup>125</sup> Pat Boone dia Fianganon'i Kristy. Elvis Presley dia Pentekotista. Olona roa azon'ny demony izay nanipy an'izao tontolo izao tao anatin'ny fahapotehana ratsy lavitra noho ny nataon'i Jodasy Iskariota tamin'ny famadihana an'i Jesosy Kristy. Tsy fantatr'izy ireo izany. Tsy fantatr'ireo zazalahy ireo izany. Tsy manana na inona na inona hanoherako an'ireo—ireo zazalahy ireo aho, lehilahy, ilay izy dia ilay fanahy izay mandrisika azy.

<sup>126</sup> Miampit  kely fotsiny eo amin'io ilany io, avelao io mandady io hifikitra kely fotsiny manodidina ny tahon'io katsaka io, indray mandeha, dia diniho izay miseho; vita ny amin'ilay katsaka. Oh, hia, azony izy. Ary tahaka an'izany no hanaovany azy. Hanao an'izany foana izy. Tsy maintsy nanao topi-maso iray teo amin'izao tontolo izao i Eva.

<sup>127</sup> Ary mamel  ahy hilaza zavatra iray aminareo, ry rahalahy sy anabavy. Ao amin'ny Jaona Voalohany, ny toko faha-2 ary ny andininy faha-15, afaka mamaky an'Izany isika raha tianareo, hoy ny Baiboly hoe:

...Raha tia an'izao tontolo izao isika, na ireo zavatr'izao tontolo izao, dia satria *tsy ao anatinitsika akory aza ny fitiavana an'Andriamanitra.*

<sup>128</sup> Ankehitriny, ilay teny eo dia tsy ny *tany*; izany dia teny Grika iray, dia *kosmos*, izay midika hoe “ny lamin’izao tontolo izao.” Raha tia an'ireo lamaodin'ny tany isika, izao tontolo izao, raha tia ny firehan'ilay andro isika, raha mihevitra isika fa “fotoana iray mahafinaritra izao, oh, manana an'ireo zavatra rehetra ireo isika,” raha mihevitra an'izany ianareo, dia satria diso ny eritreritrareo. Nosimbain'ny devoly izany. “Fa raha tia ny lamin’izao tontolo izao ianareo, sy ireo zavatr’ity tontolo ankehitriny ity, dia satria *tsy ao anatinareo akory aza ny fitiavana an'Andriamanitra.*” Tsarovy izany. O Andriamanitra! Jereo izay jerentsika!

<sup>129</sup> Te-hijanona eto iray minitra aho ka hiteny tantara kely aminareo. Nandre pretra iray tany amin'ny Ady Lehibe Voalohany aho. Izy ireo dia nanipy . . .

<sup>130</sup> Tahaka an'i Satana tany amin'ny voalohany, rehefa niditra tao amin'ny sahan'i Edena izy. Tsy afaka nangady an'ireo Voa ireo izy. Tsy afaka nandrava azy ireo izy. Fa namafy poizina tamin'izy ireo izy, ka izany no nanimba an'ilay Voa, tsy namoa araka ny tena karazany izy. Nanimba an'ilay Voa tany ampiandohana izany.

<sup>131</sup> Ary izany ireo fandaharam-pivavahana rehetra ireo. Mbola zanakalahy sy zanakavavin'Andriamanitra foana izy ireo, saingy simba izany. Mandeha any am-piangonana izy ireo, te-hanao ny tsara. Ny masera dia tsy miditra ao amin'ny tranon'ny masera iray mihitsy mba ho vehivavy ratsy fanahy iray. Ny minisitra dia tsy mandeha any am-pianarana mihitsy mba ho—ho—ho lehilahy ratsy iray. Tsy mikambana amin'ny fiangonana mihitsy ianareo, sy mandray tåñana, mametraka ny anaranareo eo amin'ny boky, na inona na inona ataoñareo ao amin'ny fiangonanareo, mba ho olona ratsy iray. Manao an'izany ianareo mba ho olona tsara iray. Saingy ilay famitahana, ilay fanimbàna no manao an'ilay izy. Satana no namafy an'izany. Hitanareo? Tsy nanana rafi-pandaminana iray mihitsy Andriamanitra. Tsy misy an'izany karazan-javatra izany hita na aiza na aiza ao amin'ny Tenin'Andriamanitra.

<sup>132</sup> Andriamanitra no rafi-pandaminantsika, voarafitra ao Aminy isika, Vatana iray, ao amin'Andriamanitra, any Andanitra. Marina izany. Ny anarantsika dia eo amin'ny Bokin'ny Fiainan'ny Zanak'ondry. Mariho.

<sup>133</sup> Fa, hitanareo, fantatro fa tena mafy ilay izy, saingy izaho—tiako hiaritra ela kely fotsiny ianareo raha sitrakareo. Tamin'ny andron'ny ady lehibe... Mamelà ahy tamin'ny nialako tamin'ny lohahevitrö.

<sup>134</sup> Fa mba hanaovana an'ity foto-kevitra ity, izaho—tiako ny hanome anareo ny fandinihako an'izay nataon'i Satana tao Edena: namafy poizina famafy mahatsiravina. Tianareo ve ny hahafantatra hoe inona io famafy io? Afaka miteny aminareo aho. Manana ny fitsipik'izany aho, teny roa: tsi-finoana, izay mifanohitra amin'ny finoana, namafy tsi-finoana, fisalasalana. Ary nameno ny toerany ny siansa. Izay misy ny lavaka, izay nandeha nankao amin'ilay Voa, dia i Satana no nameno an'io lavaka io tamin'ny fahalalana sy siansa ary fandrosoana, ary izany no nanimba an'ilay manontolo, ny famororan'Andriamanitra manontolo.

<sup>135</sup> Fantattro fa mihevitra ianareo hoe mametraka anareo eo amin'ny sarotra iray aho, saingy eo amin'ilay sarotra miaraka aminareo aho. Ary eto isika rehetra mba hiezaka hahita an'izay azontsika atao. Tsy milaza an'ireo zavatra ireo isika mba ho hafa. Tsy maintsy mahitsy fo isika.

<sup>136</sup> Isika, ny tsirairay avy, dia tonga eo amin'ny faran'ny lâlana, izay hanaovantsika tatitra ho an'ny teny tsirairay. Izao ankehitriny izao, dia fantatsika fa ireo feontsika... Rehefa teraka isika, ny antsoantso kelintsika voalohany dia mandeha eo amin'ny horonam-peo iray daholo. Halefa indray izany amin'ny Andron'ny Fitsarana. Na dia ireo fitafiana izay anaovanareo aza dia ho voaseho eo anatrehanareo, amin'ny Andron'ny Fitsarana. Na dia ny siansa aza dia

nahita an'izany, tamin'ny alàlan'ny televiziona. Hitanareo, tsy manamboatra sary ny televiziona, mampita azy fotsiny izy. Ny lokon'ireo fitafiana, isaky ny mihetsika ianareo, ny eritreritra tsirairay ao an-tsainareo, dia voatahiry tanteraka ao amin'ny firaiketan'Andriamanitra. Ary hapetraka eo anatrehanareo mihitsy io zavatra goavana io, ny tsirairay avy amin'ireo akanjo maloto izay nanaovanareo; isaky ny nandeha nankany amin'ny mpanety ianareo, nanapaka an'io volo izay nomen'Andriamanitra anareo io. Hisy izany. Hamaly ny amin'izany ianareo. Tsy afaka manao hetsika iray eo mihitsy ianareo, na dia ireo eritreritory ny fonareo aza raha eo am-panaovana an'izany ianareo, dia halefa eo anatrehanareo mihitsy. Ahoana no handosiranareo? "Ahoana no handosirantsika raha tsy mitandrina an'izao famonjena lehibe izao isika?" Hitanareo? Tsy ho afa-mandositra isika. Ny hetsika tsirairay, ary ireo eritreritory ny fo, dia voarakitra mihitsy ao amin'ny faritra iray hafa, na dia ny lokon'ny fitafiana anaovanareo aza. Ny televiziona, ny televiziona miloko no manaporofo tsara an'izany, misintonia an'izany ary maneho an'izany, hitanareo, ary izany dia ao amin'ny iray amin'ireo faritra telo izay iainantsika mihitsy. Hitanareo?

<sup>137</sup> Ankehitriny dia toy ny ahoana no namelezan'ilay poizina ny fiangonana, namelezany ny tany! Ny poizin'i Satana teo ambonin'ireo Voa, no nametraka lavaka tao anatin'ka nahatonga azy ho simba. Hatrany sy hatrany, no ilentehany lalina kokoa ao am-pon'ireo fiangonana, sy ao am-pon'ny olona sy ny sisa, siansa, siansa. Hany ilay izy ka lasa toerana iray izay misy ny taranak'olombelona, amin'ny alàlan'ny fampanarahana... Mino aho fa ny voa tsirairay dia tokony hamoa isaky ny karazany avy. Ary ny taranak'olombelona, sy ny zava-maniry, ary ny rehetra izay nampanarahana, dia nitondra antsika teo amin'ny toerana iray; amin'ny fihinanana ny sakafontsika avy amin'ny tany, ka, ny vatantsika, dia lasa nifangaro, izany no mametraka ny saintsika manontolo... Ankehitriny, raha mihena ny vatantsika, manomboka amin'ny roapolo hatramin'ny dimy amby roapolo taona, noho ireo sela simba, amin'ny alàlan'ireo sakafon nafangaro, dia tsy simba ve ny ati-dohantsika? Tsy izany ve ireo sela, ihany koa? Izany no antony ihazakazahan'i Ricky manerana ny lâlambe eto, miaraka amin'io fiara haingam-pandeha io; raha i Ricketta, ireo Elvitta, ary maro amin'izy ireo, araka ny hiantsoantsika azy, no eo ivelany eo mitanjaka eo anatrehan'ny olona, vita ara-tsaina, tsy misy fiheverana ny fitondran-tena na fahamaotinana intsony.

<sup>138</sup> Ho an'ilay tantara keliko. Nilaza ity pretra ity fa tany amin'ny hopitaly izy, ary nilaza fa zazalahy marobe no nandry tao anatin'ny tranolay, ny sasany... Vao avy tany ivelany mihitsy izy. Nilaza izy fa nandeha teo, ary niteny taminy ny manamboninahitra iray, nanao hoe, "Ry pretra, te-handeha izahay, mba

hitazana kely an'ireo saha any." Nanipy an'io entona motarda sy chlorine io izy ireo, tahaka ny nataon'izy ireo tamin'izany andro izany.

<sup>139</sup> Ary hoy izy, "Nandeha tany aho, Rahalahy Branham," hoy izy, "tsy nisy hodi-kazo teo amin'ny hazo iray, tsy nisy singan'ahitra iray. Marainan'ny Paska iray tamin'izany." Hoy izy hoe, "Nisy fiara mifono vy tranainy potika iray teo, tsy maintsy nanao firaiketana azy ireo ilay manam-boninahitra, ka hahita raha nisy zavatra azo natao ho azy ireo, tany akaikin'ilay Argonne Forest lehibe." Hoy izy, "Rehefa nitsangana irery aho tany," hoy izy, "dia niandranda aho, nanao hoe, 'O Andriamanitra, tahaka an'izao no hiafaran'izy rehetra.'" Marina izany, ho toy izany izy rehetra. May tanteraka ny rehetra, tsy nisy aina mihitsy na taiza na taiza, may ny ahitra; ny hazo, tamin'ny alalan'ireo entona ireo, maty ireo hazo, maty ny zavatra rehetra, folaka, nihantona, rehefa nandoaka an'izany ireo bala sy ny sisa.

<sup>140</sup> Raha tsy izany no sary iray an'izao tontolo izao androany, izay namafazan'i Satana ny tsi-finoany, ny fampifangoaroany, ny siansany, ny fahalalany! Mandra-paha, izay naха-izy azy tany amin'ny voalohany, rehefa nametraka an'i Adama sy Eva tao amin'ny saha Andriamanitra, io paradise tsara tarehy tsy nisy fahafatesana io, tsy nisy aretina, tsy nisy alahelo, ka ny zavatra rehetra dia tanteraka tao amin'ny lamina, jereo izay nataon'ny DDT-n'i Satana! Fahapotehana iray izy. Tsy nisy na inona na inona tavela tao anatiny.

<sup>141</sup> Hoy izy hoe, "Nanomboka nitomany aho. Nandeha niverina aho, voasinton'ny vatolampy iray aho." Hoy izy, "Nandeha teo fotsiny aho ary njery an'ilay vatolampy, nanosika azy hiala. Tao ambanin'ilay vatolampy dia nisy voninkazo kely fotsy iray naniry, ilay zavatra tokana velona tavela, satria nalofan'ny vatolampy iray izy."

<sup>142</sup> Andriamanitra, ilay Vatolampiko, alofy izahay androany, O Andriamanitra, rehefa manidina hatraiza hatraiza ireo poizina ireo amin'ny anaran'ny siansa sy ny fianarana. Alofy izahay. Tehirizo hatramin'io andro io aho, O Andriamanitra, izany no fivavako. [Hoy ny olona iray eo amin'ny lampihazo hoe, "Aza mametraka fetram-potoana mihitsy, Rahalahy Branham."—Mpand.] Ankehitriny dia manantena aho fa isika, ny tsirairay avy, dia eo ambanin'io Vatolampy io, Kristy.

<sup>143</sup> Vao avy nitory aho indray andro, maro aminareo no nandre an'izany. Nandeha tany anaty ala aho, nihaza, ary voasintona mba hihodina. Dia njery aho, ary nipetraka teo ny baoritra sigara foana iray na fonosana, na inona no iantsoanareo azy. Ary ilay orinasa izany, tsy mahatsapa aho fa tokony hiantso ny anaran'izy ireo, fa ilay orinasan'ny paraky dia nanana, nanana

teny filamatra iray izy ireo hoe, “Ny fanatatavanan’ny lehilahy misaina iray, ny tsiron’ny lehilahy mifoka.”

<sup>144</sup> Nanomboka nandroso la—lavidavitra kely tao anaty ala aho, ary nisy Zavatra nanintona ahy hoe, “Mandehana miverina eo amin’io fonosan-tsigara io.”

<sup>145</sup> Nieritreritra aho hoe, “Ray any An-danitra, handeha etsy amin’io hazo io aho izay Nitenenanao an’ireo vontsira ho amin’ny fisiana, indray maraina. Nahoana Ianao no niantso ahy hiverina?”

<sup>146</sup> Dia nisy Zavatra nanao hoe, “Manana toriteny iray ianao ho avy amin’ny Alahady. Voasoratra eo amin’io ny lahateninao.”

Nieritreritra aho hoe, “Eo amin’ny fonosan-tsigara iray ve?” Nandeha niverina aho.

<sup>147</sup> Dia nanomboka nieritreritra aho hoe, “Ny fanatatavanan’ny lehilahy misaina iray,” famitahana iray toy ny inona izany! Raha lehilahy misaina ny lehilahy iray, dia tsy tokony hifoka mihitsy izy. Nefa, hitanareo, mitelina an’izany ny olona.

<sup>148</sup> Mino aho fa roa taona lasa izay, rehefa tao amin’ny iray tamin’ireo fivoriana aho, nandeha nankany amin’ny foara iraisam-pirenena aho rehefa tany amin’ny Morontsiraka Andrefana izany. Ary nanana ny sarin’i Yul Brynner izy ireo sy ny maro tamin’izy ireo tany. Ary ireo siantifika, maro tamin’izy ireo, dia tao amin’ilay efitra malalaka iray ihany, mikasika ny loza nohon’ny fifohana. Toy ny ahoana no nampandalovan’izy ireo an’ilay setroka teo amin’ny vatoftsy iray, ary naka Q-tip kely iray ka naka an’ilay nicotine avy teo ary nametraka an’izany teo amin’ny lamosin’ny voalavo iray, ary nametraka azy tao anatin’ny tranom-biby iray, tao anatin’ny fito andro dia tena feno homamiadana izy ka tsy afaka nandeha akory aza. Hitanareo? Hoy izy hoe...Nisintona an’izany tamin’ny alàlan’ny rano.

Hoy izy, “Fanatatavanana!”

<sup>149</sup> Hoy izy, “Fanatatavanana? Tsy misy ny zavatra tahaka an’izany.” Hoy izy, “Ianareo...” Ankehitriny, io dia ireo siansa izy tenany. Hoy izy ireo hoe, “Tsy afaka mifoka ianareo raha tsy mahazo tara. Ny tara no manao ny setroka.”

<sup>150</sup> Ary ny zavatra tokana misy, dia hafetsena iray, mba hivarotana sigara betsaka. Nefa izany, raha izaho...Tsy manantena aho fa mihevitra ianareo hoe mpanevateva aho na fanatika iray. Ilay devoly ao amin’ny lehilahy iray, io no manao azy hifoka, mba hamono ny tenany. Rehefa izy—mila an’ilay nicotine avy amin’ny sigara iray izy, dia izany no hahatanteraka ny faniriany, ankehitriny dia tonga ilay orinasa miaraka amin’io hafetsena mimitaka io, ka manao hoe, “Ny fanatatavanan’ny lehilahy misaina iray.” Tsy maintsy hifoka sigara efatra na dimy izy, mba hahazoana tara betsaka ao anatinareo (mba hahafa-po

azy) tahaka an'izay azonareo tamin'ilay anankiray. Mivarotra fahafatesana amin'ireo rahalahiny sy anabaviny ny Amerikana! Tsy azoko ilay izy.

<sup>151</sup> Kanefa tao, dia nieritreritra aho hoe, “Misy Fanatatavanan’ny lehilahy misaina iray tsara.”

<sup>152</sup> Ankehitriny raha nifoka ny lehilahy iray, tsarovy, dia mamokatra tsiron’ny lehilahy mifoka iray izany. Noho izany, raha ianareo tsy afaka mahazo an'ilay...mahafa-po an'ilay faniriana hifoka mandra-pahazoanareo an'ilay setroka eo ka mahazo...tsy maintsy hamokatra an'ilay tsiro. Noho izany dia mifoka sigara efatra ianareo, na dimy, ka mandoa mihoatra ho an'izany noho ny naloanareo raha nifoka sigara tsotra iray ianareo. Hitanareo, hafetsena ilay izy, hafetsem-pivariotana iray; mamitaka ny olona, ireo Amerikana. Rehefa mieritreritra an'i Valley Forge aho, George Washington; niaraka tamin'ny roa ampahatelon'ireo miaramilany, ary tsy nisy kiraro teo amin'ny tongotr'izy ireo, tamin'io andro mangatsiaka io, mba hanao ho antsika ny toe-karena izay misy antsika! Nefa avy eo ireo Amerikana dia mivarotra amin'ny Amerikana, ny rahalahiny sy anabaviny, ny fahafatesana, eo ambanin'ny hafetsena sandoka iray, ho an'ny tombontsoa maloto, ilay fototry ny ratsy rehetra. Faniriam-bola tafahoatra, fitiavana. Lasa fahadalana ny zavatra manontolo, tsy mahafantatra fa ny zavatra manontolo dia ho levona! Fa raha tsy mahazo setroka ianareo, dia tsy afaka hahazo an'ilay tsiro.

<sup>153</sup> Noho izany dia nieritreritra aho hoe, “Misy Fanatatavanan’ny lehilahy misaina iray.” Fanatatavanan’ny lehilahy misaina iray! Dia naka ny lahateniko aho avy tamin'ny hoe “Ny Fanatatavanan’ny lehilahy misaina iray dia mamokatra tsiron’ny lehilahy masina iray.”

<sup>154</sup> Noho izany dia nihevitra aho fa efa nanao betsaka tahaka an'izany ireo anaram-piagonantsika, nampiditra ny olona ary miantso ny tenany ho Kristiana izay amin'ny fanao rehetra mihitsy. Nahoana? Misintona betsaka izy ireo ao amin'ny anaram-piagonany na ireo rafi-pandaminany. Misintona betsaka ao isika satria isika no mamela azy ireo ho tonga eo ambanin’ity, itsy, ary ny *hafa*, sy ny rehetra. “Tsy manao fahasamihafana mihitsy izany, mba hametrahan’izy ireo ny anarany eo amin'ny boky fotsiny ka hilaza fa Kristiana iray izy ireo. Izay ihany. Oh, ‘tamin’ny finoana no namonjena anareo.’ Mila mino ianareo.” Ny devoly dia manao an'ilay zavatra iray ihany. Hia.

<sup>155</sup> Tsy maintsy ateraka indray ianareo, ary izany dia tonga amin'ny alalan’ny Fanatatavanan’Andriamanitra! Ankehitriny dia misy ny Fanatatavanan’ny lehilahy misaina iray. Mihazona Azy eto an-tanako aho. Izany dia tsy hamokatra tsiron’anaram-

piangonana iray, fa hahafa-po tokoa ny tsiron'ny lehilahy masina iray Izany, fantatrareo.

<sup>156</sup> Ahoana no mba ahafahan'ny vehivavy iray manapabolo handalo ao amin'io Fanatatavanana io? Ahoana no mba ahafahan'ny vehivavy iray manao sorta mandalo amin'Izany, na pataloha, nefo hoy ny Baiboly hoe, "Fahavetavetana amin'Andriamanitra, ny vehivavy manao fitafiana izay voatokana ho an'ny lehilahy"? Ary ahoana no ahafahan'ny lehilahy iray izay mihevitra ny tenany, mivoaka eo ka miakanjo tahaka ny vehivavy, mamela ny volony haniry tahaka ny vehivavy iray, midina eo amin'ny masonry, miaraka amin'ny sanga, ary miolanolana tahaka an'izao? Manao an'ireo atin'akanjon'ny vadiny izy. Izy manao ny akanjony ivelany. Fanatatavanan'ny lehilahy misaina iray? Ny lehilahy misaina iray dia tsy hanao an'izany, na ny vehivavy misaina iray dia tsy hanao an'izany. Tsy hamela an'izany handalo ny Tenin'Andriamanitra.

<sup>157</sup> Zavatra tokana ihany no afaka mandalo amin'io Teny io. Izany dia ny Fanahy Masina, ary Izany no mitondra ny Teny ao anatinareo, ary Izany no mamokatra tsiron'ny lehilahy masina iray.

<sup>158</sup> Jereo amin'izao andro izao, Ricketta eny an-dàlambe, mahate-ho tia, toe-batana tsara tarehy no nomen'Andriamanitra azy, nefo Satana no mampiasa an'izany. Ary hitafy tena tsy maotina izy, tsy mahafantatra fa herinandro manomboka androany dia mety ho lò ao am-pasana izy.

<sup>159</sup> Nandeha teny an-dàlambe aho teto vao tsy ela akory izay. Nitory teny tao amin'ny favoriana iray aho tao amin'ny Assemblées de Dieu tany amin'ny Morontsiraka Andrefana, tao amin'ny favoriana iray tao amin'ny Southwestern Bible School. Nandeha teny an-dàlana ny ramatoa kely iray, kely iray... nanao an'ireo akanjo kely, ireo bikini, na inona no iantsoanareo azy, ary ny sanga mihantona, niaraka tamin'ny satroka sy kiraro cowboy. Nandeha teo amin'ilay lâlana aho. Nieritreritra aho hoe, "Vehivavy kely mampalahelo, zanaky ny reny sy dada iray, izay napetraka teto mba ho zanakavavin'Andriamanitra, nefo lasa fandrika ho an'ny devoly." Nieritreritra aho hoe, "Mino aho fa hihodina fotsiny aho ka hiverina, ary hiteny amin'io ankizy io." Toa saiky teo amin'ny taonan'i Sarah-ko eo izy, fito ambin'ny folo taona, enina ambin'ny folo taona, na tahaka an'izany. Nieritreritra aho hoe, "Tsia, tsaratsara kokoa amiko ny tsy hanao. Handeha eto amin'ny lâlana eto fotsiny aho ka hivavaka ho azy. Raha nisy olona iray nahita ahy nijanona sy niresaka taminy, tsaratsara kokoa amiko ny tsy manao an'ilay izy."

<sup>160</sup> Ankehitriny, ary henoy, ry zanakalahin'Andriamanitra, eo amin'io toerana iray io ihany ianareo, mandokadoka anareo ireo Jezebel amin'ilay andro, saingy ny lehilahy misaina iray dia

hieritreritra aloha. Mety ho tena tsara tarehy izy, ilay izy mety hoe “Afaka hanao azy ho voasintona aho,” saingy ny fanahinareo no ho vidin’izany, ry tovolahy; ny sasany aminareo zazavavy, ho an’ireo Ricky ireo! Ny Fanatatavanan’ny lehilahy misaina dia mamokatra tsiron’ny lehilahy masina iray.

<sup>161</sup> Ianareo lehilahy manambady, rehefa mahita an’ireo vehivavy eny an-dàlambe tahaka an’izany ianareo, ianareo zanakalahin’Andriamanitra, tsy fantatrareo ve izay niseho tany amin’ny fiandohana voalohany? Rehefa nanao ny vehivavy ho tena tsara tarehy ny siansa tao amin’ny tany talohan’ny safordrano, hany ireo zanakalahin’Andriamanitra ka naka an’ireo zanakavavin’ny olona (fa tsy ireo zanakavavin’Andriamanitra), ary tsy navelan’Andriamanitra mihitsy izany. Izy ireo no nandrava an’ilay zavatra manontolo; ny siansa, tsara tarehy kokoa. Ilay izy fahiny... Mahamarika ianareo fa ny hatsaram-tarehin’ireo vehivavy izay mitombo amin’ny andro farany, no famantarana iray an’ny fiafarana; Andriamanitra no nanaporofo an’izany. Noho izany, ampiasao ny Fanatatavanan’ny lehilahy misaina iray, dia hahazo tsiron’ny lehilahy masina iray ianareo. Ny tokantranonareo no ho vidin’izany. Ny toeranareo no ho vidin’izany. Ny zavatra rehetra izay anananareo no ho vidin’izany, ankoatr’izany, dia ny fanahinareo! Hamotika ny tokantranonareo izany. Mety hanao lehilahy hafa iray hitaiza ny zanakareo izany, na vehivavy hafa iray hitaiza ny zanakareo.

<sup>162</sup> Raiso ny Fanatatavanan’ny lehilahy misaina iray, izany no hamokatra tsiron’ny vehivavy masina iray. Rehefa manomboka mandeha any amin’ny mpanety ianareo, na zavatra hafa, ka miteny aminareo izy ireo hoe, “Ho tratry ny aretin’an-doha ianao, fantatrao.” Raiso ny Fanatatavanan’ny vehivavy misaina iray, izay nolazain’ny Baiboly, hitanareo, avy eo dia mialà lavitra an’izany. Hitanareo? Aza manao an’izany.

<sup>163</sup> Anadahinareo aho, ary tiako ianareo. Tsy manana na inona na inona manohitra anareo aho. Andriamanitra no mahafantatra. Ary izany no manao ahy hilaza an’ilay zavatra izay lazaiko, izany dia nohon’ny—ny fitiavan’Andriamanitra ho anareo. Raha handeha eo ny lehilahy iray ka tsy hiteny aminareo izy ireo, ny pasiteranareo hamela anareo hipetraka eo sy hihetsika tahaka an’izany, dia tsy tia anareo izy. Tsy afaka ho tia anareo izy. Tsy hila an’izany karazana fitiavana izany ho an’ireo vehivavy aho. Tiako ny hanana tsiro masina iray ho an’ny anabaviko. Tiako izy ho tena anabaviko marina tokoa. Tsy olona iray izay afaka hilaza, olona iray izay afaka hiresaka mikasika azy fa tena tsara tarehy izy ary ahoana izy, sy ireo mpanjakavavin’ny fitanjahana ireo, “Izy mandeha mankany amin’ny...” Hah-ah. Tsia. Tiako ho ramatoa iray izy!

<sup>164</sup> O Tompo, tehirizo ao ambanin’ilay Vatolampy aho. Eny. Ao amin’ny Efesiana 5:26, ny fomba tokana ahafahanareo ho

tonga eo amin'io Vatolampy io, izany dia, "Voasasan'ny ranon'ny fisarahana amin'ny alàlan'ny Teny." Marina izany.

<sup>165</sup> Ankehitriny, aza mamela an'io devoly io hamafy ny fianarany aminareo. Tsia, tsia. Hamono ny fitaomanareo izany. Aza mamela ny devoly haka an'izany hoe, "Eny, mikambana amin'ny fiangonana izay nikambanan'ny reniko aho, ny raiko, ny renibeko." Aza mamela ny devoly hamafy an'izany aminareo. Efa nilaza ny Baiboly, teo amin'ireo Taona Fiton'ny Fiagonana, sy ny sisa teo, fa ny rehetra dia lasa mankao amin'ny voa! Marina izany. Lò ilay zavatra manontolo. Fery vao iray ilay zavatra manontolo. Aza mamela azy hamafy anareo, manao hoe, "Eny, etika ambony kokoa izany. Nampianarina kokoa noho ny nampianarana antsika taloha tamin'ireo andro fahiny isika." Aza mamela ny devoly hametraka an'izany eo aminareo. Efa nasehoko anareo ny fandaharam-pandrosoany manontolo, ny fianarana sy ny siansa. Ampidiriny ao am-piagonana mihitsy izany, ka aza mihaino an'izany ianareo. Esory hiala amin'ireo televiziona maloto ratsy sy ny sisa ireo ny lohanareo!

<sup>166</sup> Ary ny lahatenintsika dia manao hoe, "Aoka tsy hanahaka, fa aoka hiova." Tsy miditra ka manao hoe, "Nohamafisina aho, tamin'ny Alahady." Tsia. Midira ka aoka hiova izao ankehitriny izao, niova avy tamin'izay maha-izy anareo, ho amin'izay ilain'Andriamanitra haha-izy anareo.

<sup>167</sup> Ankehitriny, izany dia miankina amin'ny karazana voa izay ao anatinareo. Raha voa ara-tsaina, ara-pampianarana iray no napetraka tao anatinareo, dia zavatra tokana ihany no azon'izany hatao, manimba anareo, izay ihany, ho an'ny zanakalahy na zanakavavin'Andriamanitra iray. Izany ihany no zavatra tokana azon'izany hatao. Ny olona amin'izao andro izao, araka ny fijeriko, dia mihetsika toy ny hoe tsy mino akory aza izy ireo fa misy Andriamanitra iray.

<sup>168</sup> Mamelà ahy amin'izany fitenenana izany. Raha mandratra ny fihetseham-pon'ny olona iray izany, dia tsy fanahy iniako ilay izy. Alahady vitsy lasa izay dia nasaina aho, tamin'ny alàlan'ny zanakovavy manokana, mba ho tonga teo amin'ny televiziona iray ka hijery hiram-pivavahana. Alahady maraina tamin'izay. Te-hihaino an'i Oral Roberts aho teo amin'ny fandaharany, niteny tamin'izy ireo aho mba hampahfantatra ahy. Hoy izy, "Henoy io, hira fiderana malaza iray io." Nitsangana teo ny zanakolahy, niteny tamiko mikasika an'izany, ihany koa. Ary novonoiko io...

<sup>169</sup> Nanofo tranon'ny vehivavy iray izay manana televiziona ao an-tranony izahay. Tsy maniry mihitsy ny banana anankiray aho ao an-tranoko. Tsia, tompoko. Tsy mila an'io zavatra io ao an-tranoko aho. Hapoakako hivoaka amin'ny basiko izany. Tsy te-hiditra amin'io zavatra ratsy io aho. Tsia, tompoko! Fa nila ny...

<sup>170</sup> Mamelà ahy hiteny aminareo mikasika anareo Arizoniana eto. Efa hitanareo ilay fanadihadiana indray andro, an'ireo sekoly, sa tsy izany? Ny valopolo isan-jaton'ny ankizy ao amin'ireo sekolin'i Arizona dia mijaly amin'ny tsi-fahampiana ara-tsaina, ny fito amby enim-polo isan-jaton'izy ireo dia nohon'ny fijerena televiziona. Ahoana ny amin'izany?

<sup>171</sup> Tsaratsara kokoa aminareo ny mampiasa ny basinareo! Hitanareo? Ankehitriny, aza mamela ny devoly hamafy an'izany aminareo. Tsia, tompoko. Ankehitriny ny olona, araka ny nolazaiko, ny olona dia mihetsika toy ny hoe tsy voatery ho tonga eo amin'ny Fitsarana izy ireo.

<sup>172</sup> Ireo zazalahy sy zazavavy, nanana fianakaviana Indiana iray izy ireo, sy karazan-javatra betsaka. Heveriko fa ilay lehilahy izay antsoina hoe Atoa. Pool no lehiben'izany. Ary raha mba nahita fanarabiana moderina iray an'ny hira fiderana aho, dia izany no fomba nitondran'izy ireo azy; andiana Ricky iray no nitsangana teo, nanetsiketsika ny tànany ambony-sy-ambany.

<sup>173</sup> Nankasitrahako tokoa ilay lehilahy tanora teto aninkeo maraina, izay nihira, toy ny maotina, tahaka ny tena lehilahy iray. Izaho—tiako izany. Rehefa ianareo—ianareo mpandraharaoha eto indraindray dia mandray andiany amin'ireny Ricky ireny izay mitsangana eto, ary mihiakiaka sy mihorakoraka, sy manao hadalana, ary mihazona ny fofon'ainy mandra-pahatonga azy ireo ho mangana eo amin'ny tavany; nefà tsy izany no mihira, manao tabataba siantifika betsaka fotsiny izany. *Mihira* dia “feon-kira avy amin'ny fo.”

<sup>174</sup> Dia nieritreritra aho hoe, “Mampalahelo toy ny inona! Henatra iray toy ny inona ilay izy! Noho izany ahoana fa eo ambanin'ny anaran'ny fivavahana, no ihetsehan'izy ireo toy ny hoe tsy misy Andriamanitra!” Nilaza ny olona iray, indray andro, tamin'ny zazalahy iray izay niaraka tamin'ny zanakovavy. Nilaza ny zazalahy Kristiana iray, nanome azy fanamarihana tsara mikasika an'i Adamo sy Eva, hoy izy, “Nitety ny saha i Eva. Hoy izy, ‘Rankizy, hitanareo ve io hazo etsy io?’ Hoy izy, ‘Teo no nihinana ny reminareo ka nahavoaroaka antsika hiala ny trano sy tokantrano.’” Azonareo eritreretina ve, natao ho Kristiana matanjaka iray, izay nandray teny fikasana sy Tenin'Andriamanitra nefà manipy an'izany eo amin'ny tranon-kisoa iray! Izy ireo dia mihetsika toy ny hoe tsy voatery ho tonga eo amin'ny Fitsarana izy ireo. Fa Andriamanitra dia hitondra ny tsiambaratelo rehetra ao amin'ny Fitsarana. Izy ireo dia mihetsika toy ny hoe tsy misy Andriamanitra.

<sup>175</sup> Tsy te-hiantso azy ireo ho adala aho, satria ny Baiboly no nilaza...ny adala, dia tsy tsara. Jesosy no nilaza fa tsy tsara izany. “Aza miantso olona ho adala.” Saingy ao amin'ny Salamo 14:1, “Ny adala dia manao ao am-pony hoe, ‘Tsy misy

Andriamanitra.” Hitanareo? Izy ireo, izy ireo dia tsy . . . Tsy te-hiantso azy ireo hoe adala aho, saingy izy ireo dia mihetsika toy ny hoe izany izy ireo. Mihetsika tahaka an’izany izy ireo.

<sup>176</sup> Noho izany, dia hitanareo hoe aiza no misy antsika androany, toy ny hoe, “Tsy misy Andriamanitra.” “Mikambana amin’ny fiangonana aho!” Ary izy rehetra, ilay zavatra manontolo, ny Baiboly, dia vazivazy goavana iray. “Ny fiangonanay dia mahafantatra hoe handeha ho aiza izy ireo!” Hia . . . [Elanelana tsy voaraki-peo—Mpand.] . . . mahitsy mankany amin’ny helo mihitsy, marina tokoa. Eo amin’ny lâlany mihitsy, amin’ny alâlan’ny siansa sy ny fianarana mihitsy, ireo seminera teolojika sy ny sisa, mitsotsôka azy ireo fotsiny eo amin’ilay lâlana mihitsy. Tsy manana anjara hanome fanambarana iray na inona na inona ny Fanahy Masina; ilay seminera no nanao azy ho voakapa.

<sup>177</sup> Ny Fanahy Masina no tsy maintsy mitarika antsika; fa tsy seminera iray, tsy ireo eveka sy mpanara-maso ambony, sy ny sisa. Ny Fanahy Masina no Mpitarika antsika.

<sup>178</sup> Kaina no karazan’ny olona iray tahaka an’izany. Tena mpivavaka tokoa izy. Ankehitriny, raha ny fivavahana fotsiny ihany no tsy maintsy anananareo, amin’izay fotoana izay dia tsy marina Andriamanitra raha nanameloka an’i Kaina. Satria, mpivavaka izy, tena mpivavaka sy tso-po tahaka an’i Abela mihitsy. Tsarovy ankehitriny, nisaina an’Andriamanitra izy, nanompo an’Andriamanitra izy, nanana fiangonana izy, nanorina alitara izy, nanao fanatitra izy, nivavaka izy, nanompo izy, saingy nolavina. Tsy mampaninona na ahoana . . . Esao dia izany, ihany koa. Hitanareo?

<sup>179</sup> Ny fivavahana, hitanareo, izany no asan’i Satana; tsy hoe hamono an’ilay zavatra manontolo, fa ny handoto azy fotsiny. Izay ihany. Tsy hamono an’ilay zavatra manontolo izy. Oh, tsy ireo kominista; tsia, tsia, tsy kominisma ilay antikristy. Hoy ny Baiboly hoe, “Hamitaka ny Voafidy izy raha azo natao.” Aza manamarika an’ilay lamban’efitra vy, fa ilay anankiray volomparasy. Ah-hah.

<sup>180</sup> Fa, mariho, tonga i Kaina mba hanompo, saingy nanana an’ilay voa ratsy izy tao anatiny, taranaky ny menarana. Nihihisitrisitra teo aminy ilay hisitrisitry ny menarana, satria izy no taranaky ny vehivavy. Fantany ny sitrapon’Andriamanitra tanteraka, saingy nandà tsy hanao an’izany izy. Efa fantatrareo ve izany? Fantatr’i Satana ny sitrapon’Andriamanitra, saingy mandà fotsiny tsy hanao an’izany izy.

<sup>181</sup> Mariho, efa nahita an’Andriamanitra nanamarina ny hafatr’i Abela izy. Ankehitriny dia tiako ianareo hieritreritra, ampiasao ny Fanatatavanana’ny lehilahy misaina anareo ankehitriny mandritry ny iray minitra. Ny hafatra marina an’i Abela, izay nohamarinin’Andriamanitra ho ny Fahamarinana! Mahazo ve

ianareo ankehitriny? Ah-hah. Ny hafatr'i Abela no noraisina, ary hitan'i Kaina izany ka fantany fa Andriamanitra dia nanamarina an'io hafatra io ho tsara. Saingy tsy afaka nanao an'izany mihitsy izy. Ny fireharehany no nanakana azy tamin'izany. Marina izany, ny fireharehany no nanakana azy tsy hanao an'izany. Efa nahita an'Andriamanitra nanamarina an'ilay hafatra izy.

<sup>182</sup> Noho izany dia toa tahaka an'izany ilay izy ankehitriny, tena sarotra amin'ny olona ny hanetry ny tenany amin'ny Tenin'Andriamanitra. Izy ireo, tsy te-hanao an'izany fotsiny izy ireo. Hanetry ny tenany eo amin'ny fanekem-pinoan'ny fiangonana izy ireo, azo antoka, fa tsy eo amin'ny Tenin'Andriamanitra.

<sup>183</sup> Raha te-hahita an'izany ianareo, dia mandehana ao amin'ny... Manana Soratra iray aho eto, izany no hitodihako eto. Genesisy 4:6 sy 7, hoy Andriamanitra tamin'i Kaina, nanao hoe, "Nahoana no manjombona ny tarehinao? Nahoana ianao no feno fahatezerana tanteraka, mandehandeha eo? Vao avy nandre hafatra iray izay nampikorontana anao ianao." Hoy Izy, "Eny, nahoana ianao no manao an'izany? Nahoana no manjombona ny tarehinao, satria ve tsy tonga tao amin'ny fiangonanao Aho? Koa nahoana ianao no nanao an'izany?"

Mampiasa ny Fanatatavanana'ny lehilahy misaina iray ve ianareo? Hitanareo?

<sup>184</sup> Na, "Nahoana no tsy... Nahoana ianao no lasa tahaka an'izao?" Hoy Izy, "Raha hanao tsara ianao, dia mandehana manao tahaka ny ataon'ny rahalahinao eo, dia handray anao Aho ka hitahy anao. Hanao an'ilay zavatra iray ihany ho anao Aho." Saingy tsy afaka nanao an'izany fotsiny izy. Hoy Izy hoe, "Ankehitriny, raha tsy manao ianao, dia mamitsaka eo ambaravarana ny fahotan'ny tsi-finoana."

<sup>185</sup> Ankehitriny rehefa miteny amintsika izy ireo hoe, "Efa lasa ireo andron'ny fahagagana," nefà hitan'izy ireo fa tena voamarina sy voaporofo tanteraka mihitsy ilay izy, hitanareo, ireo zavatra rehetra izay nampanantenain'Andriamanitra fa Hataony amin'ny andro farany, an'ny Apokalypsy 10 sy Malakia 4, ireo zavatra rehetra dia tena voamarina tanteraka mihitsy, dia inona ny olana, ry rahalahy? Inona no tsy mety, hitanareo?

<sup>186</sup> Raha tsy mino izy ireo; ny tsi-finoana, izay fahotana. Fahotana anankiray ihany no misy, izany dia, ny tsi-finoana. Marina izany. Tsy voaheloka ianareo satria misotro, mifoka, mihinam-paraky, manao sorta, manao izay rehetra ataonareo. Tsia, tsy izany no manameloka anareo. Izany dia satria tsy mino ianareo. Raha nino ianareo, dia tsy hanao an'izany. Hitanareo? Ny mpino iray dia tsy manao an'izany. Mandray ny Fanatatavanana'ny lehilahy misaina iray izy, hitanareo, hitanareo, na ny Fanatatavanana'ny vehivavy misaina iray, ny

anankiray. Eny àry. Fa, hitanareo, mamitsaka eo am-baravarana ny fahotana.

<sup>187</sup> Mariho ankehitriny izay nataon'izany tamin'i Kaina, ary ho tahaka an'izany ilay izy amin'izao andro izao. Izany no nanao an'i Kaina hiala, mpanota an-tsitrano iray. Ninia tsy nankatò izy. Ho tahaka an'izany ny olona tsirairay. Ninia tsy nankatò rehefa avy nahita ny hafatr'i Abela tena voamarin'Andriamanitra, hoe izany no fahamarinana, nefà nandà tsy nanao an'izany. Nanao an'ilay zavatra iray ihany tamin'izany. Avy eo dia niampita an'ilay tsipika mampisaraka izy.

<sup>188</sup> Misy tsipika iray izay azonareo iampitana. Fantatrareo izany, sa tsy izany? [Hoy ny fiangonana hoe, "Amena."—Mpand.] Ankehitriny, ry mpitoriteny, ny eto sy ao amin'ny—ny fihainoana telefona izay andehanan'ity fampitam-peo ity manerana ny firenena, fantatrareo ve izany? Rehefa hitanareo fa izany no Soratra, nefà tsy hataonareo izany, Andriamanitra dia tsy isan'andro... Izy dia... Oh, hanohy ianareo, voatahy. Toy izany koa ny tsirairay avy tamin'ny Israely, naina tany an-efitra mihitsy izy ireo, ary nitaiza an'ireo zanaka, ireo vokatra, ary voatahy, sy ny sisa, saingy "ny tsirairay avy tamin'izy ireo dia voasaraka Mandrakizay tamin'Andriamanitra." Jesosy no niteny an'izany. Oh, eny, hanohy hitahy anareo Andriamanitra, saingy vita ny aminareo. Izany tokoa. Izany no lazain'ny Baiboly ankehitriny, izany no Nolazainy. Mariho, afaka miampita an'ilay tsipika mampisaraka ianareo. Mino an'izany ve ianareo? ["Amena."] Niampita i Kaina.

<sup>189</sup> Ndao—ndao isika hamadika eto iray minitra, manana ny Hebreo 10:26 aho. Ndao jerentsika raha afaka mahita an'izany haingana mihitsy aho. Ny Bokin'ny Hebreo, ny toko faha-10 ary ny... Mino aho, ny andininy faha-26. Manana an'izany voasoratra eto aho. Iray minitra fotsiny, raha hiaritra miaraka amiko ianareo, ary ndao isika hamaky an'Izany iray minitra. Eny àry, eto isika izao.

*Fa raha minia manota isika rehefa avy...nahazo ny fahalalana ny fahamarinana, dia tsy misy intsony fanatitra ho an'ny fahotana,*

*Fa fiandrasana mahatahotra amin'ny fitsarana sy ny fahatezerana mirehitra, izay handany ny fahavalao.*

<sup>190</sup> Izany no HOY NY TENY MASIN'ANDRIAMANITRA. Raha minia tsy mino isika rehefa avy nahita an'Izany sy nandre an'Izany, amin'izay fotoana izay dia miampita an'ilay tsipika isika. Tsy hisy famelàna ho an'izany intsony, efa niampita an'ilay tsipika ianareo.

"Oh," hoy ianareo, "mbola mitahy ahy foana Andriamanitra." Oh, hia.

<sup>191</sup> Tsarovy Isiraely, ireo sisin-tany. Rehefa nanome azy ireo teny fikasana iray Andriamanitra, tao amin'ilay Tany Masina; tao amin'ilay tany, dia tsara izany, an'ny ronono sy tantely. Ary rehefa naniraka an'i Kaleba sy Josoa i Mosesy, ary ireo mpisafio tany, mba handeha ary hisafo an'ilay tany, ka nitondra an'ilay porofo voamarina niverina.

<sup>192</sup> Hoy ny folo tamin'izy ireo hoe, "Tsy afaka hahavita an'ilay izy isika. Tsy afaka isika. Jereo ilay fahasaratana eo. Ho fanatika isika. Manana an'ireo zavatra kely bitika hiadiana isika. Jereo izay ananan'izy ireo. Isika, tsy afaka hahavita an'ilay izy isika. Tsy mahay manao an'ilay izy isika."

<sup>193</sup> Hoy Josoa sy Kaleba hoe, "Mihoatra noho ny mahay manao an'ilay izy isika! Andriamanitra no nanao an'ilay teny fikasana."

<sup>194</sup> Ary, tsarovy, niverina izy ireo. Tao Kadesy-barnea izany. Ary niverina izy ireo ka lasa mpirenirenny tany an-efitra. Ary maty ny tsirairay avy tamin'izy ireo, ka very Mandrakizay. Jesosy no niteny an'izany.

<sup>195</sup> Aza miampita an'io tsipika mampisaraka io, hitanareeo. "Rehefa fantatrareo ny hanao ny tsara, nefo tsy ataoareo izany, dia fahotana izany ho anareo."

<sup>196</sup> Nanao tahaka an'izany ny Isiraely. Rehefa avy nahita an'i Mosesy voamarina izy ireo, nefo avy eo dia namela an'i Balama namafy azy ireo, io Voa sarobidy voamarina io. Ry pasitera, ianao aza (mihitsy) milaza na inona na inona manohitra an'ity Teny ity. Jereo i Balama, mpaminany iray izy, ary hitany ilay Voan'Andriamanitra voamarina. Saingy teo ambanin'ny anaram-piangonany manokana malaza izay niainany, dia hitan'i Moaba io andiana mpirenirenny io nandalo tamin'ilay tany, dia nofafazany izany, ka hoy izy, "Eny, andraso iray minitra. Kristiana isika rehetra. Mpino isika rehetra. Nahoana, ny razanay sy ny razanareo dia iray ihany. Tsy zanak'i Lota ve izahay? Tsy zana-drahalahin'i Abraham ve i Lota? Tsy iray ihany ve isika rehetra? Ndao isika hifanambady." Ary Isiraely, tahaka an'i Eva tao amin'ny sahan'i Edena, izay namela an'i Satana namafy taminy, dia namafy an'ny Isiraely koa izy tamin'ny alàlan'ny mpaminany sandoka iray. Nefa, ilay tena mpaminany dia niaraka tamin'izy ireo, niaraka tamin'ny Teny voamarina. Saingy tamin'ny alàlan'ny fandraisana fahalalana ara-tsaina iray, no namafazany azy ireo. Eritreto izany. Ankehitriny, tsy navela mihitsy izany, tsy navela mihitsy ilay fahotana.

<sup>197</sup> Lò tao amin'ilay lèlana'andraikitra mihitsy ireo voa, teo amin'ny lèlana nankany amin'ilay tany nampanantenaina. Ny tsirairay avy tamin'izy ireo dia levona sy lò, tao am-piagonana mihitsy, teo amin'ilay laharan'andraikitra, teo am-panarahana an'Andriamanitra. Ary namela an'i Satana namafy an'io famafy

ara-tsaina io teo amin'izy ireo, fandraisana ara-pianarana, ara-tsaina, nanao hoe, "Nahoana, isika rehetra dia iray ihany, zanak'Andriamanitra isika rehetra." Tsy izany ianareo! Fa namela an'io mpampianatra sandoka teo io namafy azy ireo an'io fandraisana ara-tsaina izay azony avy tamin'Izany io izy.

<sup>198</sup> Ary tahaka ny ataon'ilay Fiombonambe Ekiomenika izao ankehitriny izao mihitsy, hitanareo, zavatra mitovy hoe, "Nahoana, hiaraka hikambana ao anatin'ny rafi-pandaminana lehibe anankiray isika rehetra." Avy amin'ny devoly ny rafitrareo ara-rafi-pandaminana manontolo. Izany no mariky ny bibidia, ao amin'ny Baiboly. Hahazo an'ilay boky mikasika an'izany aho, tsy ho ela mihitsy, raha sitrapon'ny Tompo.

<sup>199</sup> Mariho, tamin'ny andron'i Noa, satria ny Teny dia natsangana, mba hitsingevana. Ankehitriny dia mamele ahy hanao fanamarihana kely eto, ny Teny dia napetraka miaraka mba hiova avy eto an-tany mankany an-danitra. Nahita ny fanamboarana an'ilay zavatra; saingy niaraka tamin'ireo fandraisany ara-tsaina, dia nihomehy teo amin'ny tavan'ilay mpaminany, Noa, rehefa naminany ny amin'ny andro farany izy. Fa inona no nanao... Io fanamboarana io dia vita avy tamin'ny Tenin'Andriamanitra, nasiana dity tao anatiny sy ivelany, niaraka tamin'ny vavaka sy ny finoana. Rehefa tonga ny orana, dia maty ireo fandraisana ara-tsaina rehetra an'ny fivavahana ary lò mihitsy tao amin'ilay... tao amin'ireo fiangonan'izy ireo mihitsy, teto ambonin'ny tany mihitsy. Fa ilay sambofiara dia nitsingevana teo ambonin'izy rehetra. Lò mihitsy tao amin'ny fitsarana ilay voa siantifika voafafy.

<sup>200</sup> Inona no ezahantsika hatao, na ahoana na ahoana, miezaka mametraka ny fiangonantsika ve isika sa miezaka mametraka ny Tenin'Andriamanitra? Inona no ezahantsika hatao? Miasa amin'ny inona isika? Miezaka manao ny olona hiverina amin'Ity ve isika? Inona no ezahan'ity Eva lehibe ity atao eto ao amin'izao andro farany izao, ity fiangonana Eva ity?

<sup>201</sup> Tsy maintsy hijanona aho izao ankehitriny izao, ry rahalahy, satria izao dia—efa tara loatra izao. [Hoy ny rahalahy iray hoe, "Manohiza!"—Mpand.] Omeo eo amin'ny dimy ambin'ny folo minitra ambony eo fotsiny aho, dia hijanona eo amin'ny—ny Soratro eto. ["Izany tokoa, mandrosoa."] Hia. Eny àry. Fantattro. Eny, ny olona angamba dia te-hiditra ato ary hanadio an'ity. Saingy toy ny sarotra ho ahy ny hijanona. ["Mandrosoa fotsiny." "Eny, tsy misy mahamaika."] Handeha haingana aho. Eny àry.

<sup>202</sup> Jereo, ilay Eva siantifika lehibe, ara-pianarana, mifangaro amin'izao andro izao, antsoina hoe ny fiangonana, inona no ezahany atao? Miezaka manandratra ny Tenin'Andriamanitra ve izy, nefo mamele ny olona hanao ny fomba izay ataon'izy ireo? Tsy mampiasa ny Fanatatavanan'ny lehilahy misaina iray izy ireo, na, ny Fanatatavanan'Andriamanitra. Jereo

izay vokarin'izy ireo. Manandratra ny tenany izy ireo. Ilay fiangonana dia, ao amin'ny voan'ny fandaharam-pahalalany simba, dia nanao ny taranaka manontolo ho tsy mahalala ny Tenin'Andriamanitra nohon'ny siansa. Ankehitriny dia haka an'ireo fanamarihana ireo aho, tsy hihazona eo amin'izy ireo ela loatra aho ankehitriny, mba hamaranana. Tsy mahay nohon'ny siansa! Rehefa Andriamanitra, eto an-tany eto mihitsy, no manao an'ireo zavatra izay Ataony, amin'ny alàlan'Ny Teniny nampanantenaina, dia tsy mahalala an'Izany izy ireo ka manalavitra satria izy ireo dia tsy mahalala nohon'ny siansa. Tsy mahalala nohon'ny siansa!

<sup>203</sup> Nitsiky aho teo nohon'ny amin-dRahalahy Williams eto, izay nanoratra teo amin'ny silan-taratasy iray eto hoe, "Afaka mijanona eo amin'izany mandritry ny tolakandro rehetra ianao," zavatra iray. Saingy, mankasitraka an'izany aho, tena mahafinaritra marina tokoa izany. Hitanareo?

<sup>204</sup> Fa ny olona dia—dia minia manota. Izany no nitondra ny—ny rafitry ny fiangonana maneran-tany manontolo amin'izao andro izao tao anatin'ny fahotana iniana iray manohitra an'Andriamanitra. Nahoana, ny fahaiza-miaina tsotra no hanaporofo aminareo fa marina Izany. Eny àry. Voalim-pitsiriritana iray no nanajamba ny masonry, amin'ny Tenin'Andriamanitra, ka mahita ny tenany mitanjaka indray izy. Fantatrareo, Andriamanitra, ao amin'ny Apokalypsy 3, dia nanao hoe, "Avia, mividiana odi-maso Amiko, mba hahiratan'ny masonao." Hitanareo, ny odi-maso dia Ny Teniny.

<sup>205</sup> Fantatrareo, hoy izy ireo hoe, "Eny, ity lehilahy ity dia nianatra efapolo taona, mba hahazo ny diplaomany. Izy dia B.L.D. iray, D.D., sy ity rehetra ity."

<sup>206</sup> Fantatrareo ve izay nolazain'i Jesosy mikasika an'izany? Hoy Izy hoe, "Aoka ny olona handà ny tenany." Paoly no nilaza.

Hoy ianareo, "Tsy izany no dikan'io."

<sup>207</sup> Eny, nahoana i Paoly no nanaraka an'izany, arak'izany? Hoy izy hoe, "Tsy tonga teo aminareo mihitsy tamin'ny teny mamitaka avy tamin'ny fahendren'olona aho, satria hanorina ny fanantenanareo eo amin'izany ianareo. Fa tonga teo aminareo tamin'ny hery sy ny fanehoana ny Fanahy Masina aho, mba hahatonga ny teninareo... ny finoanareo hiorina eo amin'ny Tenin'Andriamanitra, fa tsy ny fanehoana ny fahendrena."

<sup>208</sup> Ilay izy dia toy ny hoe verin'ny olona ny fahaiza-miainany sy ny fahamaotinany tsotra. Tsy tahaka azy ireo taloha izy ireo. Taloha ilay izy dia, rehefa nilaza ny mpaminany hoe, "HOY NY TOMPO HOE," dia nangovitra ny olona. Hia, nangovitra tokoa izy ireo. Nihetsika ny olona, satria natahotra izy ireo. Fa ankehitriny dia verin'izy ireo ny fahatahorany rehetra an'Izany. Tsy matahotra an'Andriamanitra izy ireo.

<sup>209</sup> Hoy Solomona hoe, “Ny—ny fahatahorana an’Andriamanitra no fiandoham-pahendrena,” ny fiandohan’izany mihitsy.

<sup>210</sup> Saingy afaka miteny ny HOY NY TOMPO HOE ny mpaminany; hoy ny olona hoe “fahadalana!” Hitanareo, tsy misy fanantenana iray ho azy ireo. Izany dia, hoy izy ireo hoe, “Nahoana, manan-tsaina izahay. Mahay izahay, tsy mila mandray an’io karazan-javatra io izahay! Fantatray izay resahanay!”

<sup>211</sup> Misy ihany koa ny ohabolana fahiny iray, hoe, “Ny adala dia handeha amin’ny kiraro misy fantsika marani-doha, eo amin’izay atahoran’ny Anjely hitsahina.” Izany tokoa.

<sup>212</sup> Ankehitriny, inona ny fanovàna? (Haingana mihitsy.) Ahoana no ahazoantsika azy? Inona no atao’ny fanovàna? Andriamanitra no manao an’izany amin’ny alàlan’ny Fanahin’Ny Teniny. Izy no manova. Izy no mamboly Ny Voany, mandraraka Ny Fanahiny eo amin’Izany, ary Izany no mamokatra an’ilay vokatra. Ny Fanahiny Masina no manova an’ilay Teny Voa mba ho voamarina araka ny karazany avy.

<sup>213</sup> Izay karazana voa amin’ny maha-izy anareo, no maneho mihitsy an’izay ao anatinareo. Tsy afaka manafina an’izany ianareo. Na inona na inona ianareo ao anaty, dia izany no maneho ny ivelany. Tsy afaka manakana an’izany mihitsy ianareo. Tsy afaka manao an’io hazo io afatsy izay maha-izy azy ianareo. Hitanareo, izany dia—ho tahaka an’izany izy. Ny Fanahy Masina no manova an’ireo voa izay ao anatin. Tsy mampaninona na karazany voa iray inona ilay izy, Izany no hanova azy. Raha ratsy izany, dia hamokatra ratsy. Raha mpihatsaravelatsihy iray izany, dia hamokatra mpihatsaravelatsihy iray. Raha Tenin’Andriamanitra tena izy izany, dia hamokatra zanakalahy na zanakavavin’Andriamanitra tena izy, amin’ny alàlan’ny Fanatatavanany lehilahy misaina iray. Rehefa mivoaka ilay Voa, dia tonga amin’ny alàlan’Izany izy, Izany no mamokatra zanakalahy sy zanakavavin’Andriamanitra iray.

<sup>214</sup> Indray andro rehefa nipetraka tao anatin’ny aizin’ny fahapotehana izao tontolo izao, Andriamanitra... Henoy tsara ankehitriny, satria isika dia tsy hiresaka...vetivety kely fotsiny. Jereo. Indray andro rehefa tao anatin’ny karazampivavahana rehetra indray izao tontolo izao, fanasana tànana, vilany, manao akanjo sy satroka samihafa, sy ny sisa, dia nipetraka tao afovoan’ny fahapotehana indrindra izy. Tena voavadika hiala amin’ireo lalàna sy fitsipik’Andriamanitra ilay Israelin’Andriamanitra tena izy, hoy Jesosy hoe, “Ianareo, miaraka amin’ny fombafombanareo, dia manao ny Tenin’Andriamanitra ho tsy misy fiantraikany amin’ny olona, nohon’ny fombafombanareo.” Dia jereo ireo mpisorona masina, izy ireo no miantso azy ireo; ary hoy Jesosy hoe, “Ianareo dia

avy amin'ny rainareo, ny devoly, ary ireo asany no ataonareo.” Hitanareo, izany marina tokoa no Nolazainy.

<sup>215</sup> Ankehitriny rehefa nippetraka tao anatin’io karazan-javatra sarotra io izao tontolo izao, dia nihetsika teo ambonin’ny Voa iray izay voafidy mialoha indray ny Fanahin’Andriamanitra. Izy no namadika sy nanova ny Isaia 9:6 araka ny Fampanantenany; Izy, Andriamanitra, dia tonganofon’olombelona, mba hamony an’io fotoan’ny fahapotehana io. Rehefa natao araka ny endrik’Andriamanitra ny olona, dia indro tonga Andriamanitra, tamin’ny alàlan’ilay mpaminany izay nahita mialoha an’izany... Tsarovy ankehitriny ny Teny, nahita an’izany mialoha ilay mpaminany, ilay mpaminany iray ihany mihitsy izay nahita an’i Satana ao amin’ity andro farany ity, hitanareo, ny amin’io fandaharam-pampianarana sy ny sisa izay ananany io, fandaharam-pivavahana. Ilay mpaminany iray ihany, Isaia 9:6, no nanao hoe, “Zaza no teraka ho antsika, Zazalahy no omena antsika; ary Ny Anarany dia hantsoina hoe ‘Mpanolo-tsaina, Ny Andrian’ny Fiadanana, Ny Andriamanitra Tsitoha, Ny Rain’ny Mandrakizay.’ Ary ny Fanjakany tsy hanampahataperana.” Ary izany Teny izany dia Tenin’Andriamanitra. Ary nihetsika teo ambonin’io Teny io ny Fanahy, ka niforona tao anatin’ny kibon’ny virijiny iray Izany; Lehilahy iray, “Zazalahy iray no teraka,” tsy noforonina, “teraka.”

<sup>216</sup> Satana dia niezaka sy niezaka indray, mba hamafy an’Izany. Nentiny Izy ka nanao hoe, “Raha Ianao no Lazainao fa mahalizy Anao, amin’izay fotoana izay dia manaova sasantsasany amin’io fanasitranana io ho ahy eto. Asehoy ahy hoe ahoana no Ahafahanao manao azy. Avadiho ity, mofo, ary ireto vato ireto ho mofo. Avelao izahay hahita Anao hitsoraka, satria ny Soratra dia milaza fa hanao an’izany Ianao.”

<sup>217</sup> Hitanareo ve ireo devoly mpivavaka amin’izao andro izao fa mbola milaza an’io zavatra iray io ihany? “Raha misy izany karazana fanasitranana avy amin’Andriamanitra izany; indro Rahalahy *Ranona-sy-ranona*, avelao izahay hahita anao manasitrana azy.”

<sup>218</sup> Ilay devoly iray ihany izay nitsangana teo amin’ny hazo fijalian’i Jesosy, dia nanao hoe, “Raha Zanak’Andriamanitra Ianao, dia midina avy eo amin’ny hazo fijaliana.”

<sup>219</sup> Ny Teny no nilaza fa Izy no Zanak’Andriamanitra. Ny Fanahy no nanaporofa fa Izy no Zanak’Andriamanitra. Tanteraka ny Isaia 9:6. Ary indray hariva, maro aminareo teo amin’ny fampitam-peo no nandre hoe ahoana fa nanome Soratra enimpolo mahery izahay, saiky, mino aho, mikasika ny fanaporofoina fa ny Soratra dia nilaza fa Izy Izany.

<sup>220</sup> Oh, Satana dia niezaka ary niezaka indray, nanao ny zavatra rehetra. Indray hariva, nandry taorian’ny sambo iray, dia nahita

Azy natory izy. Ka hoy izy hoe, “Hopotehiko Izy izao ankehitriny izao.” Saingy tsy afaka izy.

<sup>221</sup> Niezaka haka fanahy Azy izy hanao zavatra ratsy, saingy tsy afaka nanao an’izany izy. Nahoana? Efa voafafy tamin’ny fanefitra an’ny fididianana mialoha Izy. Izany dia tsy mety ho voafitaka. Tsia, tsia. Ny Teny no nilaza fa ho eto Izy. Amena. Tsy misy devoly hanelingelina Azy, ary tsy misy zanak’Andriamanitra hafa, izay voafidy mialoha haka ny toerany. Izy dia voafafy tamin’ny fanefitra iray. Ny poizin’i Satana, tsy mikasika Azy mihitsy akory aza ireo dokotera ara-anaram-pianganana. Mandroso avy hatrany Izy, tsy misy na inona na inona hanelingelina Azy, hitanareo. Tsy nanana fiantraikany teo Aminy mihitsy izany.

<sup>222</sup> “Eny, hanao Anao ho evekan’ny tany rehetra aho. Izaho no manapaka azy. Raha hanompo ahy fotsiny Ianao, avia hikambana amin’ny vondroko, izaho dia—hanao Anao ho mpanapaka aho. Izaho hidina, hamela Anao hiakatra.”

<sup>223</sup> Hoy Izy hoe, “Mankanesa ao Ivhoko, ry Satana. Voasoratra hoe, ‘Ianao dia hanompo an’Andriamanitra, ny Teny, ary Izy irery ihany no ho tomponiao.’” Noho izany indray andro . . .

Eo amin’io Olona malaza io, te-hijanona eo vetivety aho.

<sup>224</sup> Fa indray andro, dia nihetsika teo Amboniny indray ny Fanahy; satria nisy Teny iray efa voasoratra mikasika Azy, avy tamin’Andriamanitra, tamin’ny alàlan’ilay mpaminany hoe, “Ary notarihina nankany amin’ny mpamono Izy, tahaka ny zanak’ondry iray.” Ary nihetsika teo Amboniny ny Fanahy, ka nitarika Azy, ary nandefa Azy teo amin’ny hazo fijalian’i Kalvary. Teo Izy no maty. Ary ny zavatra rehetra izay voateny mikasika Azy tamin’ny Fahafatesany, dia tanteraka, mba hitondra Hazavana sy Aina ho an’ilay Voan’Andriamanitra voafidy mialoha rehetra izay tetu ambonin’ny tany. Izy no nanokatra ny làlana hanaovana an’izany. *Ity* ilay Voa, ny Fanahy no mitondra an’ilay Aina; manova an’ireo zanakalahy sy zanakavavin’Andriamanitra, avy amin’izao tontolo izao ao anatin’ity fahapotehana maizina ity, ho lasa zanakalahy sy zanakavavin’Andriamanitra.

<sup>225</sup> Aza tafintohina amin’ilay teny hoe “fididianana mialoha.” Fantatro fa tafintohina ianareo. Fa, henoy, tsy teniko Izany. Izany dia iray amin’ireo Tenin’Andriamanitra. Raha tianareo ny hamaky an’izany, dia vakio ny Efesiana 1:5, hoe, “Izy dia nifidy antsika mialoha ho amin’ny fananganan-janaka tamin’ny alàlan’i Jesosy Kristy.” Hitanareo?

<sup>226</sup> Mamelà ahy fotsiny hamahavaha azy iray minitra fotsiny, iray minitra fotsiny, hanazava an’izany ao amin’ny sainareo. Jereo. Tahaka anareo tao anatin’ny rainareo mihitsy, tany amin’ny voalohany, voa tsimoka iray. Efa fantatrareo ve izany, ny tsirairay avy aminareo? Ianareo dia tao amin’ny rain’ny-

rain'ny-rain'ny-raibenareo, ihany koa, efa fantatrareo ve izany?  
[Hoy ny fiangonana hoe, "Amena."—Mpand.]

<sup>227</sup> Vakio ny Bokin'ny Hebreo, izay ahitanareo fa i Levy dia nandoa ny ampahafolony fony izy tao an-kibon'i Abrahama, taranaka efatra taoriany. Rehefa nandoa ny ampahafolony tamin'i Melkizedeka i Abrahama, dia nisaina ho an'ny zafin'ny-zafin'ny-ny zafikeliny taoriany izany, ary tao an-kibon'i Abrahama izy tamin'izany. Eo ianareo izao. Hitanareo?

<sup>228</sup> Tao anatin'ny kibon'ny rainareo ianareo, saingy tsy afaka nanana fiombonana taminareo mihitsy ny rainareo raha tsy efa novaina ho vatana nofo iray ianareo.

<sup>229</sup> Io zanakolahy eo io dia efa tao anatiko. Izaho—izaho—nila zanakalahy iray aho, saingy efa tao anatiko izy tamin'izany. Hitanareo? Efa tao anatiko izy tamin'izany. Fa tamin'ny alàlan'ny voadim-panambadiana, dia novaina ho lehilahy iray tahaka ahy izy, ary avy eo dia lasa tahaka ahy.

<sup>230</sup> Ary ianareo dia lasa tahaka ny raiamandreninareo, hitanareo, satria efa tao anatinareo izany, eo am-panombohana. Ankehitriny raha zanak'Andriamanitra isika, ireo Toetrary... Fa, ianareo dia toetra iray an'ny rainareo, fa tsy ny reninareo; ny rainareo. Ao amin'ny ray no mipetraka ny tsimoka. Hitanareo? Ary ankehitriny ny reninareo dia fanakotrehana iray izay nitondra anareo, nitondra ny voan'ny rainareo. Hitanareo?

<sup>231</sup> Ary ny tany, amin'ny ara-nofo, dia fanakotrehana ihany koa izay mitondra ny voan'Andriamanitra. Hitanareo, marina tokoa. Tsy izao tontolo izao, hoe lehibe toy ny ahoana izy; ilay izy dia hoe lehibe toy ny ahoana ilay Andriamanitra izay nanao azy. Hitanareo? Hitanareo?

<sup>232</sup> Ankehitriny raha zanakalahy sy zanakavavin'Andriamanitra iray ianareo, amin'izay fotoana izay dia efa tao amin'Andriamanitra ianareo tany amin'ny voalohany. Toetrary ianareo. Raha tsy tao ianareo tamin'izany, amin'izay fotoana izay dia tsy tao mihitsy ianareo ary tsy ho ao mihitsy.

<sup>233</sup> Satria, izaho dia tsy afaka hitondra, avy ao amin'ny kiboko, ny zanak'ity lehilahy *eto* ity na itsy lehilahy *etsy* itsy, afaka mitondra fotsiny an'ireo zanako manokana aho, ary hitondra ny fitoviana amiko izy ireo. Haleloia. Hitanareo ve ilay izy?

<sup>234</sup> Ireo zanakalahy sy zanakavavy dia efa tao amin'Andriamanitra tany amin'ny voalohany. Jereo ankehitriny. Manana Fiainana Mandrakizay ianareo, hoy ianareo. Mino an'izany isika, hoe manana Fiainana Mandrakizay isika. Eny, endrika Fiainana Mandrakizay tokana ihany no misy, ary Andriamanitra izany. Izany no zavatra tokana izay Mandrakizay, dia Andriamanitra. Noho izany raha manana Fiainana Mandrakizay ianareo, dia efa nisy foana io Fiainana izay ao anatinareo io, ary efa tao an-kibon'Andriamanitra

ianareo talohan'ny nisian'ny tany iray akory aza. Ary rehefa ny Teny Izy tenany... Jesosy Izy tenany dia antsoina hoe ny Teny, ary ao amin'ny Masindahy Jaona 1, dia voalaza hoe, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Noho izany dia efa tao an-kibon'i Jesosy ianareo, ary nandeha teo Kalvary niaraka Taminy. Maty niaraka Taminy ianareo, ary nitsangana niaraka Taminy. Ary androany dia mipetraka ao amin'ireo toeran-Danitra miaraka Aminy isika, feno Ny Fanahiny, zanakalahy sy zanakavavin'Andriamanitra. Maty niaraka Taminy, nitsangana niaraka Taminy. Azo antoka.

<sup>235</sup> Ankehitriny àry, ankehitriny, ankehitriny dia afaka miombona Aminy ianareo. Tsy afaka ianareo tany aorianana tany, satria Teny iray tao Aminy fotsiny ianareo, voa iray. Fa ankehitriny dia naneho anareo Izy, ary ankehitriny dia Tiany hiombona Aminy ianareo. Noho izany dia nidina Izy, tonga nofo mba Ahafahany miombona aminareo tanteraka. Hitanareo ve ilay fiombonana tanteraka? Oh, oadray, ireo zava-miafina lalina an'Andriamanitra! Mahafinaritra toy ny ahoana! Hitanareo, tsy afaka niombona Andriamanitra tao amin'ny Fanahy, noho izany dia lasa olona niaraka tamintsika Andriamanitra.

<sup>236</sup> Jesosy Kristy dia Andriamanitra Izy tenany, voaseho, satria, Izy dia Zanaka iray satria nateraka Izy, saingy tabernakely iray mba Hiainany fotsiny izany. "Tsy nisy olona nahita an'Andriamanitra na oviana na oviana, fa ny Lahitokan'ny Ray no nanambara Azy." Nanorina trano iray ho an'ny Tenany Andriamanitra, vatana iray mba hiainana, nidina mba ahafahanareo hikasika Azy. Timoty Voalohany 3:16, "Tsy azo lavina, fa lehibe ny zava-miafin'ny toe-panahy araka an'Andriamanitra; fa Andriamanitra dia voaseho teo amin'ny nofo, hitan'ny Anjely, ninoana, noraisin'ny Lanitra." Hitanareo? Ankehitriny Izy...

<sup>237</sup> Ianareo amin'ny maha-nofo, ary Izy amin'ny maha-nofo, amin'izay fotoana izay dia afaka miombona ianareo ankehitriny, satria Izy no toetram-pitiavan'Andriamanitra. Andriamanitra dia fitiavana. Marina ve izany? Ary Jesosy no toetram-pitiavan'Andriamanitra. Ary rehefa voaseho ny toetram-pitiavana, dia, izany no Andriamanitra Izy tenany; ireo toetra rehetra izay nihantona teo Aminy, dia nanatona Azy, "Izay rehetra nomen'ny Ray Ahy, no hanatona Ahy." Azo antoka, tsy maintsy ho voafidy mialoha izy ireo. Raha tsy izany, dia tsy ho eo ianareo. Izay ihany. Izany tokoa.

<sup>238</sup> Ankehitriny dia afaka miombona isika, izany dia tamin'ny alàlan'ireo—ireo harenan'Ny Teniny, ary ampaahany iray ianareo. Ampahan'ny Teny ianareo; satria Izy no Teny tany amin'ny voalohany, ianareo no Teny ankehitriny. Hitanareo? Hitory aho rahariva, na amin'ny Alahady na iray amin'ireo andro izay

hahatongavako, mikasika ny hoe inona ny Teny, hitanareo. Ary ankehitriny dia ampanhan'ny Teny ianareo.

<sup>239</sup> Henoy Zavatra anankiray ihany no tsy azoko atao. Tsy afaka mandoka an'ireo razako aho. Tsia, tonga tamin'ny alàlan'ny loto mahatsiravina aho. Ny raiko dia Irlandais. Ny reniko dia peau-rouge Indiana, Indiana tapany; ny reniny dia Indiana, mandray fisotroan-dronono. Ankehitriny, izy rehetra ireo, dia mamolava, ny ankamaroan'izy ireo dia maty niaraka tamin'ny kiraro nanaovany, niady, mpiady amin'ny basy, sy ny sisa. Tsy afaka mandoka na inona na inona mikasika an'izany aho, satria ireo razako sy ny tantaram-pianakaviako dia mahatsiravina.

<sup>240</sup> Fa, rahalahy, zavatra tokana ihany no azoko dokafana, afaka mandoka an'i Jesosy Tompoko aho Izay nanavotra ahy. Ary ny Heriny manova no namboly voa iray, tamin'ny alàlan'ny fifidianana mialoha, ary hitako Izany Zanak'iza aho ankehitriny? Hia. Afaka mandoka Azy aho. Ary efa nandany an'ireo telo amby telopolo taonan'ny fiainako aho, nandoka Azy. Raha hanome ahy telo amby telopolo taona hafa Izy, dia hiezaka aho ny mbola handoka Azy betsaka. Hitanareo? Afaka mandoka ny Razako aho, haleloia, Izy izay nanavotra ahy sy namboly an'ilay voan'Aina *tato*, ka namela ahy hijery eo amin'ity Teny ity, nampidina Ny Fanahiny ka nanao hoe, "Ity Izany. Teneno *ity*, dia hitranga izany. Ataovy *ity*." Ary oh, oadray, afaka mandoka Azy aho! Ahoana no Nanaovany an'izany? Tamin'ny alàlan'ny fanasan'ny rano tamin'ny alàlan'ny Teny, ireo ranon'ny fampisarahana. Maniry aho ny ahafahantsika manazava an'izany.

<sup>241</sup> Ireo mpino marina voafidy mialoha dia hijanona amin'ny Teny satria ampanhan'io Teny io izy ireo.

<sup>242</sup> Oh, ry kintana mirenireny, mandra-pahoviana no hirenirenarenareo? Ianareo Metodista, Batista, Presbyterana, ireo any ivelany, na mety ho inona ianareo, kintana mirenireny, mitety fiangonana, avy amin'ny andry mankao amin'ny toerana, avy amin'ny televiziona mankao amin'ny televiziona, izao tontolo izao mankao amin'izao tontolo izao, nahoana ianareo no tsy avy? Maniry fatratra ny banana fiombonana aminareo Izy. Maniry mafy anareo Izy. Te-hanova anareo amin'ny alàlan'ny fanavaozana ny sainareo Izy, tsy mankany amin'ny fiangonana na mankany amin'ny anaram-piagonana, fa mankany amin'Ny Teniny, hoe, ampanhan'izany ianareo raha ao anatinareo izany faniriana izany.

*Sambatra ireo izay noana sy mangetaheta ny fahamarinana: fa izy ireo no hovokisana. (Hitanareo? Ah-hah.)*

<sup>243</sup> Ary izany no nandefy ny Heriny manova, mba hamoaka anareo avy ao amin'ity fahasimban'ny fivavahana izay misy anareo ity. Ao amin'ity fahapotehan'ny fahasimbana izay misy

antsika ity, dia nandefa ny Heriny manova Andriamanitra, Ny Teniny, voamarina, voaporofa, mba hamoaka anareo avy ao amin'ity fahasimbana ara-pivavahana an'ny tsi-fahalalana izay andehananareo ity, "mitanjaka, jamba, mahantre, nefo tsy mahafantatra an'izany." Eritrereto izany, ry sakaiza.

<sup>244</sup> Fantatrareo, Andriamanitra dia nandefa ny Heriny manova mba hahatanteraka Ny Teniny, ka nanova an'ilay vatana manontolo an'i Saraha sy Abrahama. Nanova lehilahy antitra iray sy vehivavy antitra iray, satria Izzy no nampanantena fa Hataony izany.

<sup>245</sup> Ary izay ampanantenain'Andriamanitra hatao, dia Hataony izany. Tsy misy na inona na inona, ny zavatra rehetra... Ny zavatra voavadika rehetra, tsy afaka manao na inona na inona amin'izany Andriamanitra. Fa hihazona Ny Teniny Izzy, ary Izzy no handefa Ny Fanahiny! "Izaho Tompo no namboly Azy. Izaho no hanondraka Azy andro aman'alina, fandrao hisy handrombaka azy amin'ny Tànako." Ny Baiboly no milaza an'izany.

<sup>246</sup> Oh, ry kintana mirenireny, ianareo miaraka amin'ny faniriana ao am-ponareo! Tokony banana an'izany ianareo, raha tsy izany dia tsy ho nипetraka teto ianareo izao maraina izao. Ary tsy ho ao anatin'ireo fiangonana sy toera-malalaka ireo ianareo, sy ny sisa izay misy anareo, any ivelany ary manerana ny firenena, raha tsy nisy Zavatra nitondra anareo tao. Nisy olona iray niresaka taminareo. Aza mandeha lavitra intsony. Misy fanasan'ny rano amin'ny alàlan'ny Teny, izay hanao anareo ho fotsy toy ny oram-panala. Oh, ry zanak'Andriamanitra, henoy! Aza mijanona ao anatin'io fahasimbana io. Mivoaha avy ao amin'izany. Abrahama dia nino an'Andriamanitra, ka niantso ny zavatra rehetra nifanohitra...

<sup>247</sup> Hoy ianareo hoe, "Ahoana no hanaovako ny fivelomako? Ahoana no hanaovako an'ity?" Raharahan'Andriamanitra izany. "Ahoana aho? Hihodina amiko ireo mpiara-miasa amiko."

<sup>248</sup> Hoy Andriamanitra hoe, "Izay handao ny rainy manokana, ny reniny, ny vadiny vavy, ny vadiny lahy, ireo tokan-tranony, ireo tranony; Izaho no hanome azy ireo tokan-trano sy trano, Izaho no hanome azy ireo ray sy reny, ary rahalahy sy anabavy, ao amin'ity fiainana ity, ary Fiainana Mandrakizay ao amin'ny fiainana ho avy." Teny fikasana iray izany, ry sakaiza. Izany, oh, tokony ho tondrahana izany! Ny teny fikasana tsirairay izay atao'Andriamanitra dia miseho. Ny Voan'Andriamanitra tsirairay dia teny fikasana iray.

<sup>249</sup> Ary, ranabavy, ajanòny ny fanapahana an'io volo io, satria zavatra tsy mety izany eo anatrehan'Andriamanitra. Ajanòny ny fanaovana an'ireny akanjo ireny, fahavetavetana izany Aminy!

<sup>250</sup> Ianareo rahalahy, ianareo lehilahy, ajanòny ny manome fahafaham-po an'ireo anaram-pianganana ireo, amin'ny

fanaovana an'ireo zavatra ireo, sy mamela ny vadinareo hanao an'ireo zavatra ireo. Tsy mety amin'ny Kristiana izany.

<sup>251</sup> Miverena amin'ny Teny! Raiso ity Teny ity, hitombo Izy. Tsy maintsy hitombo Izy. Ny herin'Andriamanitra manova no nampaniry Azy tany amin'ny voalohany, eo amin'ny Lâlany miverina Izy, mamerina Azy indray ankehitriny. Hiverina mihitsy indray eo amin'izay azy Izy.

<sup>252</sup> Nafindra i Enoka, avy tamin'ny fahafatesana, tamin'ny alâlan'ny herin'Andriamanitra manova. Ho an'ny inona no nanaovan'Andriamanitra an'izany? Ho an'ny tandindona iray an'ilay Fiagonana nakarina izay ho avy. Hia. Tahaka an'izany koa i Elia.

<sup>253</sup> Ny vatan'i Jesosy dia novelomina taorian'ny nahafatesan'izany. Ary tao am-pasana, dia novelomin'ny Tenin'Andriamanitra ny vatan'i Jesosy; ary novaina, avy tamin'ny endrika maty, mangatsiaka iray, ho Zanak'Andriamanitra natsangana iray, nomem-boninahitra. Satria ilay mpaminany, Salamo 16:10, raha tianareo ny handray naoty an'izany, 16:10, no nanao hoe, "Tsy hahafoy ny Ainy ao amin'ny helo Aho, sady tsy hamela Ny Iray Masiko hahita ny lô Aho." O Andriamanitra!

<sup>254</sup> Tsy maintsy miseho io Teny io, Tenin'Andriamanitra Izany! Amboleo ao am-ponareo Izany, raha tianareo ny handeha ao amin'ny Fampakarana. Raha te-ho Kristiana tena izy ianareo, dia apetraho io Teny io. Satria mino aho fa Ezekiela ilay izy, hoy Andriamanitra hoe, "Alaivo io horonana io ka hano izany," mba hahatonga an'ilay mpaminany sy ny Teny ho lasa iray ihany. Ary ny teny fikasana tsirairay izay ao anatiny ao dia tsy maintsy maneho ny tenany, satria izany no Voan'Andriamanitra tany am-piandohana. Aza mamela teolojiana iray nampianarina eto hiezaka hanaisotra an'Izany aminareo. Aza mamela azy hamafy anareo an'io siansa sy fahalalana ara-nofo io, sy ny fianarana. Minoa an'Andriamanitra!

<sup>255</sup> Tsy naka fikarohana siantifika an'ny androny i Abrahama, nanao hoe, "Antitra loatra aho mba hahazo zazakely iray, lasa lavitra loatra aho. Efa nataoko *ity*, *itsy*, ary ny *hafa*." Fa niantso ny zavatra rehetra izay nifanohitra izy, tamin'ny Tenin'Andriamanitra, ho toy ny tsy nisy. Ary tsy niahahanana tamin'ny teny fikasan'Andriamanitra izy, tamin'ny tsifinoana; fa nahery, nanome ny dera ho an'Andriamanitra. Fantany fa Andriamanitra dia mahay manatanteraka an'izay Nampanantenainy.

<sup>256</sup> Oh, ry zanaka mirenireny, nosimbain'ireo mandadin'ity tany ity! Ry anabavy mirenireny, ka ireo toerana sy lamaodin'ity izao tontolo izao ity no nisintona anareo! Ary, ry anabavy malala, mety hihevitra ahy ho antitra masiaka iray ianareo, saingy indray andro any rehefa mihaona amin'izay nihaonan'i

Florence Shakarian indray hariva ianareo; izy dia nipetraka tato amin'ity efitra ity, ihany koa, tato amin'ity toerana ity, araka ny fantatrareo. Rehefa mihaona amin'izany ianareo, dia ho hitanareo fa, tsy izaho, fa ity Teny ity dia marina. Alaviro ireny mpanety ireny, ireny fivarotana lamaody ireny. Ialao ireny zavatra ireny.

<sup>257</sup> Hoy ianareo, “Nahoana ianao no tsy mampianatra an’ireo zavatra lehibe, ahoana no hahalasa ho *ity*?” Manomboha fotsiny amin’ny ABD-nareo, ary avy eo dia ho tonga eo amin’ny alzebra isika. Hitanareo? Manomboha fotsiny mianatra hoe, “iza no fanompoana mety aminareo.”

*Koa mangataka aminareo aho, ry rahalahy, nohon’ny famindrampon’Andriamanitra, mba hatolotrareo ny tenanareo ho fanatitra velona, masina, ary ankasitrahana ho an’Andriamanitra, dia fanompoana mety anareo izany.*

<sup>258</sup> Ataovy fotsiny “ny fanompoana mety aminareo,” dia Andriamanitra no hikarakara ny sisa amin’izany; hitanareo, mandanjalanja fotsiny an’ireo zavatra izay azonareo lanjalanjaina amin’ny tenanareo dia ataovy. Tsy izany ve.... Tsy hoe tsy mety ho an’ny vehivavy iray ve ny manaboridana ny tenany, ka mandeha eto ary mihetsika tahaka an’izany, nefà ny Baiboly dia manameloka an’izany? Tsy hoe tsy mety ho an’ny lehilahy iray ve ny mampiditra ny tenany ao anatin’ny dogma iray toy izany tahaka ny ananantsika amin’izao andro izao, ary io karazan-javatra rehetra eto io, sy io karazana seminera rehetra io, ary ny karazan-javatra tahaka an’izany, nefà tena mifanohitra tanteraka amin’ny Tenin’Andriamanitra izany? Hitanareo?

<sup>259</sup> Ny molotr’Isaia, lehilahy tsotra iray maloto molotra fotsiny izy. Hoy izy hoe, “Tompo, eo anivon’ny olona maloto aho, ary manana molotra maloto aho. Lozako satria efa nahita an’Andriamanitra aho.” Dia nidina ny Anjely iray, nitondra Afo, Afo Masina avy teo amin’ny alitaran’Andriamanitra, ka nanova ny molony; avy tamin’ny molotry ny lehilahy mpirenireny iray, ho molotry ny mpaminany iray niaraka tamin’ny HOY NY TOMPO HOE. Ny herin’Andriamanitra manova!

<sup>260</sup> Mpanjono roapolو amby zato, sy—sy mpivarotra volomparasy antitra kely, ireo vehivavy, ary ireo nanangona ny tenany tao amin’ny efitra ambony iray ka nanidy ny varavarana, ny sasany tamin’izy ireo dia tsy nanana fianarana ampy mba hanasonia ny anarany manokana. Andriamanitra no nanova azy ireo avy tamin’ny mpanjono, ho mpanjono olona; avy tamin’ny lehilahy sy vehivavy teny an-dàlambe, ho olo-masin’Andriamanitra, tsy mety maty. Ilay Herin’Andriamanitra manova!

<sup>261</sup> Paoly, mambram-piangonana iray tao an-toerana, Presbyterana, Metodista, Batista, Pentekotista, na zavatra iray; nandeha teny an-dàlambe izy, niaraka tamin'ny fanahiny lehibe manohitra tao anatiny, hoe izy dia nahafantatra mihoatra noho izy rehetra. Notezaina teo ambanin'i Gamaliela izy, iray tamin'ireo mpampianatra tsara indrindra izay nisy tao amin'ny firenena. Inona no nitranga teny amin'ny lâlany nankany Damaskosy, haka andian'olona iray izay nino ny Tenin'Andriamanitra? Teny amin'ny lâlany teny, dia nazera izy, ary nandre Hafatra iray. Ary Izany no nanova azy avy tamin'ny mambram-piangonana iray sy mpandeha any am-piangonana; ho mpaminanin'Andriamanitra iray, izay nanoratra ny Tenin'Andriamanitra, ao amin'ny Testamenta Vaovao. Avy tamin'ny mambram-piangonana iray ho olo-masina iray!

<sup>262</sup> Oh, ry kintana mirenireny, ndao isika hijanona. Ry zanaka mirenireny, ry Voa mirenireny izay mitety toerana, ao amin'ity fahasimbâna ity; miverena, izao maraina izao, rankizy. Azafady henoy aho amin'ny maha—maha-lehilahy iray izay miezaka mitsangana eo anelanelan'ny velona sy ny maty.

<sup>263</sup> Any ivelan'ny firenena izay andehanan'ny fampitam-peo raha mbola mihaino foana ianareo, ianareo izay nirenireny nankao amin'ilay toerana, azafady mipetraha mandrity ny iray minitra fotsiny. Fantatro fa tara izao eto Tucson na, mameila ahy, ry Phoenix, amin'ny roa ambin'ny folo latsaka roapoloo minitra izao. Ary efa nihazona an'ireto olona ireto nandrity ny maraina manontolo aho. Nihazona anareo lavitry ny asanareo sy ny sisa aho. Fa jereo, ry sakaiza malala, mety ho lavitra an'Andriamanitra mandrakizay ianareo. Azafady miverena izao maraina izao. Tsy hiverina ve ianareo? Misy efitra ao amin'ilay Loharano.

Tao anaty fihinanam-bilona efa ela izay, fantattro  
fa izany marina tokoa ilay izy,  
No teraka ny Zazakely iray mba hamonjy ny olona  
amin'ny fahotany.  
Nahita Azy i Jaona teo amin'ilay morona, ilay  
Zanak'ondry mandrakizay,  
Oh, Kristy, ilay Voahombo teo Kalvary.  
Oh, tiako io Lehilahy avy any Galilia io, avy any  
Galilia,  
Satria tena nanao betsaka ho ahy mihitsy Izy.  
Namela ny fahotako rehetra Izy, nametraka ny  
Fanahy Masina tao anaty;  
Oh, tiako, tiako io Lehilahy avy any Galilia io.  
Nandeha tao an-tempoly mba hivavaka ny  
mpamory hetra iray indray andro,  
Niantsoantso izy hoe, "O Tompo, mamindrà fo  
amiko!"

Namela ny fahotana rehetra Izy, ary nipetraka tao anaty ny fiadanana lalina iray;  
Hoy izy hoe, "Avia hijery an'ity Lehilahy avy any Galilia ity." Marina.

Lasa namindra ny malemy, lasa niresaka ny moana,  
Voateny tamin'ny fitiavana teo ambonin'ny ranomasina io hery io;  
Lasa nahita ny jamba, fantatro fa izany dia afaka fotsiny ihany ho  
Ny famindrampon'io Lehilahy avy any Galilia io.

<sup>264</sup> Ampitovio amin'ilay asam-panompoana amin'izao andro izao izany.

Ilay vehivavy teo amin'ny fantsakana, Noteneniny ny fahotany rehetra,  
Hoe nanana vady dimy izy tamin'io fotoana io.  
Navela taminy ny fahotany rehetra, ary tonga tao anaty ny fiadanana lalina iray;  
Niantsoantso izy hoe, "Avia hijery an'ity Lehilahy avy any Galilia ity!"

<sup>265</sup> Ry vehivavy, afaka manao tahaka an'izany Izy. Efa Novakiany ny fonareo izao maraina izao. Ry lehilahy, efa Novakiany ny fonareo. Oh, ry mpamory hetra, ndao isika hivavaka!

Oh, tiako io Lehilahy avy any Galilia io, avy any Galilia,  
Satria tena nanao betsaka ho ahy mihitsy Izy.  
Namela ny fahotako rehetra Izy, nametraka ny Fanahy Masina tao anaty;  
Oh, tiako, tiako io Lehilahy avy any Galilia io.

<sup>266</sup> Tsy ho tia Azy ve ianareo, miaraka amiko, izao maraina izao? Oh, ry mpanota maditra, mirenireny, eto na any ivelany izay mety misy anareo, hanaiky ny Tompoko ve ianareo izao maraina izao? Izy no Teny, ary ny Teny diaefa nentina teo aminareo. Tsy hanaiky Azy ve ianareo izao maraina izao? Hanangana ny tananareo fotsiny ve ianareo na hitsangana, na zavatra iray, ka hivavaka, hanao hoe, "Te-hanaiky Azy aho izao ankehitriny izao. Rahalahy, manaiky aho. Te-hanaiky Azy aho izao ankehitriny izao." Hitsangana ve ianareo, ny olona rehetra izay naniry hivavahana, ka hanao hoe, "Izaho dia..." hivavahana, raha ny marina, "Mpanota iray aho. Izaho nila..." Andriamanitra hitahy anao, tompoko. Olon-kafa? Ny olona rehetra mivavaha ankehitriny, iray minitra fotsiny.

Oh, tao anatin'io fihinanam-bilona io efa ela izay, (tao amin'ny fahapotehana iray izany,

fantatrareo, izao tontolo izao izany), ary fantattro  
fa izany marina tokoa ilay izy,  
No teraka ny Zazakely iray mba hamonjy ny olona  
amin'ny fahotany.  
Rehefa nahita Azy i Jaona teo amin'ilay morona,  
dia Izy no ilay Žanak'ondry mandrakizay, (ilay  
Anankiray tsy miova androany)  
Oh, Izy no Kristy, ilay Voahombo teo Kalvary.

<sup>267</sup> Tsy ho tia Azy amin'ny fonareo rehetra ve ianareo androany, mba ahafahanareo mivoaka avy ao amin'ity toeran'izao tontolo izao izay ipetrahanareo ity? Ianareo vehivavy, ianareo lehilahy, oh, ho an'ny inona no nipetrahanareo teto nandrity fotoana rehetra ity? Izany no maneho fa misy zavatra ao anatinareo ambany ao, misy zavatra ao izay noana sy mangetaheta. Tsy ho nipetraka teto nandrity'reeo ora roa na telo ireo ianareo, nipetraka tato amin'ity tranobe ity tahaka an'izao; misy zavatra ao. Tsy hitandrina tsara an'izany fotosiny ve ianareo androany? Avelao ireo lamaody sy siansa, ary ireo zavatra rehetra an'izao tontolo izao, hiendaka ao amin'ny sainareo izao ankehitriny izao, ry rahalahy malala sy anabavy malala.

Miray ireo fiangonana, rava ireo firenena lehibe,  
mifoha Isiraelly,  
Ireo famantarana izay notenenin'ireo mpaminany  
mialoha;  
Voaisa ireo andron'ny Jentilisa, miaraka amin'ny  
tahotra manarona;  
“Miverena, O ry niely, amin'ny anareo manokana.”

Akaiky ny andron'ny fanavotana,  
Raiki-tahotra ny fon'ny olona;  
Aoka ho fenoina ny Fanahy, ataovy madio sy  
mazava ny fanilonareo,  
Miandrindrà, akaiky ny fanavotana anareo!  
Mandainga ireo mpaminany sandoka, lavin'izy  
ireo ny Fahamarinan'Andriamanitra,  
Hoe Jesosy ilay Kristy no Andriamanitsika.

<sup>268</sup> Ankehitriny, marina izany. Fantatrareo izany, isika rehetra, ilay andro izay iainantsika.

Saingy Izy no nilaza fa hisy Hazavana rehefa  
amin'ny andro hariva,  
Ny lâlana mankany amin'ny Voninahitra dia azo  
antoka fa ho hitanao.

<sup>269</sup> Izany ilay andro izay iainantsika izao ankehitriny izao. Hamiratra ilay Hazavana amin'ny hariva mihitsy rehefa mipetraka ny aizina, amin'ny fotoana somambisamby, ilay kintan'ny hariva.

Ny somambisamby sy ny kintan'ny hariva,  
 Ary aorian'izany dia ny aizina!  
 Enga anie tsy hisy alahelon'ny fanaovam-beloma,  
 Rehefa tafaondrana ihany aho amin'ny farany;  
 Satria ny rehetra dia tsy misy fetra na elanelam-potoana,  
 Ka mety hitondra ahy lavitra ireo tondra-drano,  
 Saingy te-hahita ny Mpanamoriko mifanatrika  
     aho  
 Rehefa miampita an'ilay fefy.  
 Aza miteny amiko, amin'ny alahelo betsaka,  
 Hoe ny fiainana dia nofy foana iray fotsiny!  
 Ary ny fanahy izay matory dia maty,  
 Ary ireo zavatra dia tsy toy ny maha-izy azy ireo.  
 Eny, tena misy ny fiainana! Ary matotra ny  
     fiainana!  
 Ary tsy ny fasana no tanjony;  
 Fa ny vovoka ianao, ka hiverina ho vovoka,  
 Dia tsy miresaka ny amin'ny fanahy.  
 Ny fiainan'ireo lehilahy mahery dia  
     mampahatsiahy antsika rehetra,  
 Fa isika dia afaka manao ny fiainantsika ho  
     ambony indrindra,  
 Ary, amin'ny fisarahana, mamela aoriantsika,  
 An'ireo dian-tongotra eo amin'ny fasiky ny  
     fotoana;  
 Ireo dian-tongotra, izay ny iray hafa angamba,  
 Raha misosa eo amin'ny ranomasimbe mihaja  
     an'ny fiainana,  
 Rahalahy iray kivy sy vaky sambo,  
 Eo am-pahitana, no handray herim-po indray.  
 Ndao isika hiarina, arak'izany, ka hanao,  
 Amin'ny fo iray ho an'ny ady rehetra;  
 Aoka tsy ho tahaka ny biby fiompy moana,  
     tarihina!  
 Aoka ho mahery fo iray ao amin'ny ady!

<sup>270</sup> Andriamanitra malala, Anao izy ireo. Nahita lehilahy roa nitsangana aho, Ray. Mivavaka aho, Andriamanitra, mba Handraisanao azy ireo ankehitriny. Te-ho Zanakao izy ireo. Nifoha avy tamin'ny tsi-fahalalana ny fiainana izay niainany izy ireo, ary ankehitriny dia te-ho diovina izy ireo, havaozina, amin'ny batisan'ny Fanahy Masina eo ambonin'io Voa izay nambolena ao anatin'ny fon'izy ireo io tamin'ity andro ity. Andriamanitra Mandrakizay, ilay Mpamorona ny zavatra rehetra, Izay nanao Ny Teninao, ary mino aho fa efa Fantatrazo fa hanao an'izao ireto lehilahy ireto izao maraina izao. Mivavaka aho, Tompo, mba Hanondrahanao an'io Teny io, andro

aman'alina, ka tsy hamela an'i Satana mihitsy handrombaka azy eo an-Tànanao. Enga anie izany ho hazo iray izay indray andro any, ao amin'ny Paradisan'Andriamanitra, rehefa ho entina miverina izy rehetra, satria tsy mety diso Ny Teninao, dia ho eo indray izany. Satria ity izao tontolo izao ity . . .

<sup>271</sup> Ary tsy hisy an'ity karazana fandrosoana ity ao amin'ilay tontolo ho avy. Tsy hisy fiara ao na inona na inona hany vitan'ny siansa. Tsy hisy an'ireo karazan-javatra ireo ao amin'ilay tontolo izay ho avy. Fa izany dia ho karazana fandrosoan'Andriamanitra Manokana no Hapetrany ao amin'ilay fanjakana be voninahittra. Satria, ao amin'ity fandrosoana ity dia misy aretina, fahafatesana, alahelo, fasana, sy filàna. Fa ao amin'io Fanjakana izay ho avy io, dia tsy misy fahafatesana, tsy misy alahelo, tsy misy aretina, tsy misy fahanterana. O Andriamanitra, ho vaovao ny rehetra any, ao amin'ny Fandrosoanao.

<sup>272</sup> Andriamanitra, ovay izahay androany, amin'ny alàlan'ny Herinao, amin'ny alàlan'ny fanavaozana ny sainay, hiala amin'ireo zava-poan'ity izao tontolo izao ity ankehitriny, ho amin'ny Tenin'Andriamanitra. Ary enga anie izahay havaozina amin'ny alàlan'ny herin'Andriamanitra manova eo ambonin'ilay Voa izay ao am-ponay, izay inoanay, ho lasa zava-boahary antsoina hoe zanakalahy sy zanakavavin'Andriamanitra. Izany no fivavako Amino, Ray, ho an'ny olona, amin'ny Anaran'i Jesosy. Amena.

<sup>273</sup> Ankehitriny ho anareo izay eo amin'ny fampitam-peo, na aiza na aiza misy anareo, tiako ianareo handray an'i Kristy any, ho Mpamonjinareo manokana, ary aoka ho feno Ny Fanahiny. Ireo Teny izay efa voalaza izao maraina izao, enga anie izy ireo hilentika ao am-ponareo. Ary enga anie ianareo any handray an'i Jesosy. Ary diniho ny fiainanareo, ka jereo izay iainanareo aorian'izany. Ary raiso ilay Fanatatavanana'ny lehilahy misaina eto. Raha mahita ny tenanareo manao zavatra izay mifanohitra amin'ity Teny ity ianareo, miala amin'izany, haingana mihitsy. Hitanareo? Satria, misy Fanatatavanana iray izay mampanalavitra ny fahafatesana aminareo, izany dia ny Tenin'Andriamanitra. Ireo Teniny dia Fiainana, ary izy ireo no hampanalavitra ny fahafatesana aminareo.

<sup>274</sup> Ianareo olona eto ankehitriny izay ato amin'ny efitrano malalaka, efa nihazona anareo teto ela be aho. Misaotra anareo aho nohon'ny fanatrehanareo. Mivavaka aho mba tsy hamelan'Andriamanitra mihitsy an'io Voa io ho faty. Manantena aho fa tsy mihevitra ianareo hoe mitsangana eto aho milaza an'ireo teny ireo mba ho hafa fotsiny. Milaza azy nohon'ny fitiavana aho; ary mahafantatra fa izany dia amin'ny mahamety maty ahy, tahaka ahy ankehitriny, izao no fotoana tokana hany hahafahako hitory amin'ny olona. Ary tiako Jesosy Kristy. Izzy no Mpamonjiko. Ary tsarovy, ho teny an-dàlambe aho raha tsy ho Azy izany. Ho tany aho; ireo raiamandreniko rehetra,

ny havako rehetra, dia mpanota. Fa Andriamanitra, tamin'ny Herin'ny fanovàny, fantattro fa izany no nanao ahy ho zava-boahary hafa iray. Ary afaka aho—afaka manoro anareo an'izany aho, ho tsara. Ary izany no hihazona ao amin'ireo oran'ny olana. Na dia amin'ny fahafatesana aza, izay eo am-baravarana, dia tsy matahotra ianareo. "Tsy misy na inona na inona afaka hahasaraka antsika amin'ny fitiavan'Andriamanitra, izay ao amin'i Kristy." Enga anie Andriamanitra hitahy ny tsirairay avy aminareo, ka hanome anareo Fiainana Mandrakizay.

<sup>275</sup> Firy ato no tsy manana ny Voan'Andriamanitra, ny batisan'ny Fanahy Masina? Hanangana ny tanganareo fotsiny ve ianareo, hanao hoe, "Tsarovy aho, Rahalahy Branham, mba handraisako an'io Fanahy Masina io." Ankehitriny dia raiso ny Teny ho ao—ho ao am-ponareo, ka inoy Izany. Ankehitriny ianareo raha... Afaka mijery anareo ianareo. Mandehana ka jereo ny fitaratra, dia afaka mahita an'izay misy anareo ianareo. Hitanareo, afaka mahafantatra ianareo.

<sup>276</sup> Hoy ianareo hoe, "Eny, tsy nanangana ny tanganako aho, satria mino aho fa manana."

<sup>277</sup> Jereo eo amin'ny fitaratra ny tenanareo, amin'izay fotoana izay dia hitanareo hoe karazana fanahy inona no mamitaka anareo, hitanareo. Fisainana voafitaka! "Misy lalan iray izay toy ny mahitsy amin'ny olona, saingy ny fiafarany dia lalan'ny fahafatesana." Marina ve izany?

Teo amin'ilay hazo fijaliana izay nahafatesan'ny  
Mpamontjiko,  
Teo no niantsoantsoako ho fanadiovana ny  
fahotana;  
Oh, teo ny foko no nopetahana an'ilay Rà;  
Voninahitra...

<sup>278</sup> Akimpio fotsiny ny masonareo, iray minitra ankehitriny, ary hirao ho Azy fotsiny izany. Ndao isika hanangana fotsiny ny tanganantsika.

Voninahitra ho an'Ny Anarany, Ny Anarany  
sarobidy!  
Voninahitra ho an'Ny Anarany!  
Teo ny foko no nopetahana an'ilay Rà;  
Voninahitra ho an'Ny...

<sup>279</sup> Tiako ianareo Kristiana handray ny tangan'ny iray hafa, izay voavonjy.

Voavonjy tamim-pahagagana tokoa tamin'ny ota  
aho,  
Jesosy no mitoetra ato anatiko am-pahamoram-  
panahy tokoa,  
Teo amin'ilay hazo fijaliana teo no Nandraisany  
ahy;  
Voninahitra ho an'Ny Anarany!

Voninahitra ho an'Ny Anarany, Anarana sarobidy!  
 Voninahitra ho an'Ny Anarany!  
 Oh, teo ny foko no nopenahana an'ilay Rà;  
 Voninahitra ho an'Ny Anarany!

<sup>280</sup> Ny Rà no manana an'ilay tsimok'Aina ao Anatiny, fantatrareo. Ity dia ho an'ireo izay tsy mahafantatra Azy.

Oh, manatôna an'io Loharano tena manan-karena  
 sy mamy io;  
 Atsipazo eo an-tongotr'ilay Mpamony ny  
 fanahinao mahanta;  
 Oh, milenteha ao androany, ary aoka hiova  
 tanteraka;  
 Voninahitra ho an'Ny Anarany!  
 Oh, voninahitra ho . . .

Ankehitriny ndao isika hanondrika ny lohantsika raha mihira an'izany isika.

Voninahitra ho an'Ny Anarany!  
 Teo ny foko no nopenahana an'ilay Rà;  
 Voninahitra ho an'Ny Anarany!

<sup>281</sup> Tianareo ve Izy? [Hoy ny fiangonana hoe, "Amena."—Mpand.] Hoy Paoly hoe, "Hihira ao amin'ny Fanahy aho. Hanompo ao amin'ny Fanahy aho." Ndao isika hihira an'izany tena moramora indray, miaraka amin'ny tânantsika mitsangana.

<sup>282</sup> Fantatrareo, ny olana amin'ilay izy, isika vahoaka Pentekotista, verintsika ny fifalantsika, verintsika ny fihetseham-pontsika. Tahaka ny nolazain'i Billy Graham indray hariva hoe, "Ireo mpitory teny ireo, ireo vozon'akanjo mivadika, mandeha any Atsimo, mitehaka ny tânany, ary manakapokapoka ny tongony ambony-sy-ambany eo amin'ny gorodona, ary mijadojadona, nanana zavatra iray izy ireo izay mahafaly azy." Eny, hia, manana Zavatra iray aho izay mahafaly ahy. Hitanareo? Hitanareo? Hia. Hia, verintsika ny fihetseham-pontsika.

<sup>283</sup> Ankehitriny dia ndao isika hanangana ny tânantsika fotsiny. Aza manahy ny amin'ireo ranomaso, tsy handratra na inona na inona izy ireo, hitanareo. Tsy mandratra izany. "Izay mandeha mamafy, amin-dranomaso, no hiverina indray tsy am-pisalasalana, hitondra amboara sarobidy." Eny àry.

Voninahitra ho an'Ny Anarany, Anarana sarobidy!  
 Voninahitra ho an'Ny Anarany!  
 Teo ny foko no nopenahana an'ilay Rà;  
 Voninahitra ho an'Ny Anarany!  
 Voninahitra ho an'Ny . . . (O Andriamanitra!  
 Derao Andriamanitra!)  
 Voninahitra ho an'Ny Anarany!

Alenteho ilay Voa, Tompo, ao am-po!  
Ny foko no nopetahana an'ilay Rà;  
Voninahitra ho an'Ny Anarany!



*NY HERIN'ANDRIAMANITRA MANOVA* MAG65-0911  
(God's Power To Transform)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy maraina, 11 Septambra, 1965, ho an'ny sakafomarainan'ny Full Gospel Business Men's Fellowship International tao amin'ny Ramada Inn ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)